

جاء النبي

ديوان باللغة الثالثة

للشاعر

إبراهيم رضوان



حقوق الطبع والنشر محفوظة
لدار الأديب للطبع والنشر والتوزيع

اسم الدار	دار الأديب للطبع والنشر والتوزيع
اسم الديوان	جاء النبي
اسم الشاعر	ابراهيم رضوان
رقم الإيداع	(٢٥٣١٠ / ٢٠١٩) بدار الكتب المصرية
الإخراج الفني	دار الأديب
تصميم الغلاف	من تصميمات الدار

Facebook: Dar.Aladeb

Email : daraladeeb@Gmail.com

Tel: 002- 01014449164

بدايه :

غريب يا (طه) في الساحة
ولسه الدنيا بتضلم
لقيت الفرحة رواجه
لقيت قلبي بيتألم
خرجت لسكه نواجه
وقلت يا ريتنى أتكلم
لقيت الخطوه دباحه
وقبل الضلمه ما تخيم
خدتنى ريحه فواجه
في دقة قلبي بتعلم
أنا يا دنيا جراحه
إذا ما الجو هايغيم
هلاقي الحب والراحه
في حضرة سيدنا طه ..

[فى حضرة أحمد المختار
بيان (الصخر) م (الإنسان)
ولو مره الطريق غيم
ينام ضيِّك على الجدران]
واجيلك شايل القرآن على كتفى
أقول لدموعى إتدفى
ودفى قلبى فى حماكى
وأتهجأك .. فى قلب الكعبه حرف بحرف ..
كلمه بكلمه مسموعه ومقرّيه
يا أغلى رسول ولا عمرك ..
فى لحظه كنت كلمة حب منسيه
وأدارى ضياك ..
فى نن عيونى م القول الرخيص ياطه..
يا بوابة العاشقين
وترنيمه عباد تايهين على الطرقات
وأعلنها ساعات وأقولها يوم بسكات
أنا عاشق هواك ما اقدرش اغيب مره
أخاف على إسمك اللى سحرنا م النظره
وأخاف على كل شئ جواك
إلهنا الباقي .. وصى عليك .. وطال ذكرك
فى سوره رقيقه فى القرآن
وطال ذكرك يا أغلى رسول

جاه النبي ..

أجيتك وافرش السجاده واقرى (السوره) ..

قدام (صوره) فى اللوحه

مريحه نظرتك يا رسول لكل عيون ..

تبص عليك بدمعتها

وتسرج ليكى فى شمعتهالى شرفها الوجود بلفاك

عليك نادى فى يوم رحمن

وكنت السوره فى القرآن

وكنت نبينا وإمامنا

وكان قدامنا نور عيسى الى بشر بالبشير والخير

وكان قدامنا يا طه .. صفوف الطير ..

بتتهجأك

ودقة قلبك الإلهيه نسمعها بكل وضوح

تدوب الروح .. فى ندعة ضى من ضيك

ولا زيك يا طه فى الوجود مذكور من المولى

ولا زيك فى يوم صلى لرب الدنيا والآخره

يا طه يا ساكنه أرواحنا .. يا ساكن فينا فى القرآن

يبان صوتك دعاء كروان

فى دمة طفل فى كنيسه .. فى شوق إنسان .. يكون إنسان

فى أنة نخله لحظة أنتك فى (الوحى)

وخروج الضيا منك

ولحظة ما نطق قلبك

حراسه إلهى كانت نايمه جواك

وكان الكون .. بيستنى رساله فى الوجود تكبر

تبشر بالرسول الهادى وتنور ..
جميع الدنيا بالآيات
[وانا يا حبيبى مش قادر
أقول عنك قصيدة شوق
إذا شوفتك بكون هادر
وأقدر اشوف عيون الضوء]
واعود فى جيوبى أوراق (النبق) والحنه والزعتر
وأفطر بالعجين الصافى والكمون
تكونلى بعد رب الكون
يا طه العون
يا طه .. واحه للمحتاج
يا أغلى رساله ورديه
[على كل اللى قال هو
شموع من خير إلهيه
وهو الواحه والساحه
وهو النظره مرويه ..]
بضى إلهى واصل بين حماها وبين
قلوبنا العايشه وياه
وبين كل اللى كان فى حماها بعد الله
أنا يا طه .. شفت ضياه على الطرقات
فى لحظة ما الجميع هلل .. وماتت حُرقة المسافات
وأصبحنا نسيج واحد بدون أغراض

وضيك فاض على اللى جرابه كان فاضى
أنادى يا طه يا مبعوث
يا ضوء قنديل على الوادى
وكان مبعوث من الباعث
وكان دايس على الأشواك
وكان الشوك على جبينه
كيانه كله للرب اللى كان وياه
ودينه من خلال مولاه .. تسامح ..
حب بين الناس
وبين العبد والرحمن
وبين كل اللى كان تايه فى كون زايف
لا عمره يا طه المبعوث كان خايف
ولا هايب من الهلاهيل
[يا طاهر فى الوجود دايم
يا زهره فوق رُبا طاهره
مع ديكنا الجرس يدن
فيتحول ضياك زهره]
ونترجاك فى ليل بيطول
ونترجاك فى لحظه ننول .. ضيا واضح على سطوحنا
ونسمة تهز أرواحنا
ويفرحنا عبيرك لو تطول توهه
شموعك فينا نلقاها .. بقالها مده متقاده
يا جُمله كلها إفاده .. بتروينا

وكلمه كلها سياده على الدنيا
ولا ثانيه .. هايقدر حد ينسى عبيرك الصافي
وملمح ضيك الدافى .. يا أسطوره
مفيش ويانا غير صوره .. فى هيئة نسمه مرسومه
فى هيئة لقمه مقسومه
يمامه دمعت لحظة ..
ما شافت نظرتك يا إمام على السكه
عبير روحك وصل مكه ..
لأنك طه واختارك
إلهك لاجل ماتوصل رسالة خير
وللإرشاد وللتقوى
لأنك طاهره .. روحك كلها قوه
لأنك نجوى للصابرين وللعشاق
لأنك دمة المشتاق على شمعك
كأن القلب كان سامعك .. فى ليلة ما دخلت حراء
حسدنا النخله يا طه على تشريفك الغالى
بلح مرسوم عليه صورتك .. وإسم المولى والتراتيل
بيرسم صفحه فيها دليل على جذوره
[ومين يا طه يا قدره
هايقدر ينسى أفضالك
بتغرز ع الشطوط بذره
ما زالت حافضه أقوالك]
وما زالت .. ملامحك فينا موجوده

عداكي يا طه مرفوضه لآخر يوم
يدوم ضيك .. على اللى راح .. وع اللى جاى
يدوم صوتك حزين يوصلنا ويا الناي
وجوه الصمت .. لو طال السكوت بينا
يا غالى علينا مهما يقولوا ويعيدوا
ومهما يعيدوا ويزيدوا
ومهما يزيدوا ويقيدوا .. نيران الكذب والبهتان
يا كلمه طاهره بحب فى القرآن ومحفوظه
عزيزه ع الوجوه والصحبه والخلان
عزيزه فى دقتك لسه على البيان
وجوه ضلوعنا مهما الدنيا تنفينا
ومهما السكه تكفينا
فيكفيننا .. نبص لصورتك الطاهره
نسمى باسم مولانا الإله يا حبيبى ع قدره
ونستنى قدومك لينا فى الأحلام
تباركنا .. ونذكر إسمك اللى سحرنا فى الإسلام
ونسجد للإله على نعمة الإخلاص ..
لضيك جوه ليل داكن
لضيك فى القلوب ساكن مع وحيك
كأنك جزء من تكويننا يا حدوته الحواديت
يا صورة حب جوه البيت ونعناعه
معانا لسه بالساعه
وبايشه فى كل نقطة دم فى عروقنا

طريقنا يا طه من أول طريق واحد
لا فينا بليد .. ولا جاحد
ولسه هلالنا جنب صليبنا فى الصورة
برغم فظاعة الطرقات .. برغم الرجل مكسوره
ومأسوره النفوس فى الضلمه والزحمه
مفيش يا طه بين كل العباد رحمه
ولا عاد الهوا بارد
غزال الحب فى كل السكك شارد
وفارد فى الجناح عصفور بلون غامق
وحادق لسه موالنا اللى ضاع جسّه
جبلنا .. إختفت شمسّه .. وأصبح فى النهايه رُكام
عليك دايمًا صلاة الله .. سلام الله
سلام الكل يا طه .. سلام يا (رسول)
ومهما يزيد فى روحنا القول
هانفضل صمت قدامك .. لأنك م الجميع أكبر
لأن الضىّ كل دقيقه بيبوس النفوس .. يكبر
وضيّك ريحة العنبر
باحبك من بداية العمر ؟ .. لأ .. أكثر
وحُبك خلى كل الدنيا تتعطر .. وتتشرط على الخاين
يا طه .. يا قمر باين فى كل مكان
مع القرآن .. ذكرنا فيك
وقولنا يا طه .. كل الملك للرحمن
وقولنا يا طه: كل المجد للإنسان

وقولنا معاكى : مش ممكن
هانسمح لحظه للبهتان يفرقنا
ولا يفرقنا لحظه خصام
دمانا واحده فى عروقنا .. وبيشوقنا نفس الشئ
وفيه قدامنا ألف طريق .. بينده لينا .. يجمعنا
ونفس المعنى والمضمون
ونفس اللون .. ونفس القلب والعنوان
ونفس الفرح والأحزان .. ونفس الصوت
[لحد ما اموت يا أسطوره
يا أحلى صوره فى قلوبنا
هاتفضل روحى مأسوره
لضى شريف على بابنا]
وانا يا وحى م المولى .. أسير للحب من صُغرى
لأنك أرضنا فى العالم الصخرى
طريق ماشى ... لحيث الحب سايد بين جميع الخلق
حيث الكلمه مش هاتموت فى نص الحلق
حيث النطق يبجى فى الحلال دايمًا
وحيث جرس الكعبه نورها عليه ..
ديوك ناويه بشوق تدن
وحيث الكون يكون أحسن من الأساطير
وحيث كل الطيور بتطير على سطوحنا
وحيث الراحه تتشرب إلى روحنا .. وتتسرب لمطرحنا
[يا طه روحنا مشدوده

إليك بانت فى ألف مكان
إيدينا الباردة مفروده
بتقرى فى حروف قرآن]
وبصه علينا بالضىّ اللى ساحرنا
وجوه الحب بحرنا .. وشرقنا وغربنا
وحزن الدنيا غربنا
ياطه شربنا راحه ما بعدها راحه
سجدنا لربنا فى الساحه وقرينا ..
آيات فى المصحف الطاهر
لقينا جواهر الآيات بتحيينا
وبتطرنا .. وتطهرنا .. وتسهرنا .. تشجينا
يا طه .. كل ما فينا .. بيحترمك .. وبيجلك .. وبيعزك
وينزل نهرنا وزك .. نقول الله على وضوءه
نقول الله على ضوئه
نقول الله .. عليك يا طه أسطورة عطاء دايم
وطيرها يم فى أرض الله .. وملكوته
وطفله يتيمه بتدور .. لإبن الحب عن قوته
ومهما نختلف يا حبيبى فى الدنيا
بنفصل كلنا فى سفينه مطلقه .. بأمر الله إلى السموات
وفيهما اتنين .. " محمد " شايل القرآن
وعيسى فى حضن إنجيله
[يا طه .. كلنا عشره
لا يمكن لحظه هاتسيبها

ونحلف تاتى ع العَشره
فى سكتنا ندوس ديبها]
ونفضل فى السما جناحين بأنصف ريش
ونفضل جيش من الحب اللى جوه قلوبنا من يومنا
يا طه وكل أيامنا تباركنا
وكل الكون يشاركنا
فى لحظة ما ابتدينا نكون نسيج لونه ..
إلهى الشكل والهيئة
شموعك كلها لايقه .. علينا يا طه بالقدره
يا زهره تترسم لنا ..
فى كل خطاوى هجرتنا .. لدنيا القادر الموجود
يا وردة جود على ضلوعنا بتتنفس
وتهمس لنا .. صوتك يرعش الفرع اللى مال فوقى
وانا شوقى يا طه شوق ..
رقيق .. إسلامى .. ليك يا درة العاشق
وقبله كل من راشق .. على جيبه علم طاهر
يا ضوء باهر بيدخلنا .. وينخلنا سلام وحنين
يا نظره بتسحر الحاضنين .. صخور الكره والعمه
[وجودك كان لابد يكون
أساسى فى كل تكويننا
وانا ما زلت شئ مسكون
بنسمه ساكنه فى الجنه]
وراسمه صورتها فى قلوبنا للى عاشقها

وقاسمه ما بيننا نص رغيـف
نقول عنك فى كل مكان نروحه .. (دوا روحنا)
ونتألم .. إذا شافك خسيس مش طايق الصورة
وروح بالحقـد معجونه ومش حاسه بروح الله
ومش داريه بخلق القادر الأعظم
فتسلم لينا بصة حب منقوشه على وجوهنا
خلقها إلها لاجل تريـح العطشان
وتطفى دمة الملهوف
يا طه كان ضنانا الخوف
من اللى قتلنا من بره ومن جوه
ولكن ربنا الموجود
وهبنا العزم والقوه
فصلينا بحب يا طه جوه ميدان جمع فينا
و (شعراوى) مسح بالإيد دموع (مينا)
وعيشه قادت الشمعه .. وباست بالدموع صورتك
وجيبنا كلنا سيرتك فى يوم الحشر ..
ليلة دوسنا ع الأفعى
لمحنا الدمعه لؤلؤ صافى ع الصورة
وجاتنا إشاره من رب العباد الباقي ..
خلوا الإيد فى حضن الإيد
وسيبنا الإيد فى حضن الإيد
شنوده زارنا فى المسجد
وزورنا شنوده جوه كنيسة الطه

وصاموا معانا .. صومنا صيامهم الطاهر
بكل حنان .. وكل حنين ..
وقفوا تحرسوا يا أصحابنا في الساجدين
لأن الدين لرب الكون ورب الدين
لأن الدين طريق أنا حر في وجودي ..
عليه يا طه مهما يكون
[يا ضيّ عيوني آه يا رسول
يا ساكن جوه في ضلوعي
في عز صلاتي دايمًا أقول
بأنك رعشه في دموعي]
لأنك حته من وجدان قلوب فاهمه
وعند الكافر الملعون .. هوانا ليكي كان تُهمه
لحد ما ربنا وصلنا لشطوطنا
ورجع لنا في بيوتنا
ومن تاني .. شجر توتنا ..
نادانا ننام .. جماعه في ضلته .. نرتاح من الشيله
ومن سهر الليالي المره جوه ميدان
يا سوره رقيقه في القرآن
ونسمة ع القلوب الطاهره في المشوار
فتحت الدار .. لقيتك نجمه في الصاله ..
في وسط العيله مشتاقه
وبوست إيديك .. مسير الحى يتلاقى

قرئت ويانا سورتك من كتاب المولى ..
صلينا ع اللى مات
ورددنا كلام طاهر .. عظيم .. فى سكات
لقينا الشيخ مع القسيس على السكه
سألناهم .. فقالوا جينا من قدس الإله الباقي ..
جينا من شعاب مكه
رسولنا وصى ع الإنجيل
وصاحبى فرج .. عطا الله شالنى فى الزنقه
مفیش بیننا وداع أبدا ولا فرقه
ولا أكاذیب .. ولا سرقه
ولا دمعہ .. ولا حرقة
مفیش یربطنا غیر الحب غیر الود غیر الضی ربانى
وغير تصفى القلوب تانى لخالقها
تعود الأرض یا طه لمنشأها
نعود للنخله نلقى أثارك الطاهره
نعود على مكه نلقى غار حراء موجود
بیذكر فضلك الباقي
نحط إیدینا فی إیدینا
بدون حتى ما نتکلم
وبعد قلوبنا ما تسلم .. نجیلك تانى ونسلم
نبص بحب ع الصوره .. فى ضوء مكه
إذا شوفنا دموع فى عنیکها..
بندمع ونتألم ،

يا مركبى الكرتون .. إزاي تعدى محيط
يا مركبى الكرتون .. الشط حتى غويط
والموج .. شراع معوج
والريح جنون .. فى جنون
يا أغلى شئ .. لما ..
دخلنى صوتك وانا .. متغطى بالبسمه
خاتنى الحصان .. وجريت
و ف لحظة الإعدام
يا طه .. حتى نسيت .. أنطق واقول كلمه
يا عيونك الحلوين .. البصه ع الملهوف
آسف لأنى حزين .. آسف لأنى بشوف
" طه " بيندهلى .. و " راياتى " مرفوعه
وبرغم كل النور حاسس أنا " جُوعه "
يا زهور لكل يتيم .. يا نور حنان أمى
يا فرحى .. يا همى
أنا نفسى أكتبلك .. أشعارى من دمى
أصبح ديوان عنك .. مكتوب عليه إسمى ،

أنا قلت للروح اللى نامت جوه جسمى .. إحلمى
فجأه لقيتها بمصحفى
ملفوفه بالسر الخفى
وبحب سايره فى الطريق الأحمدى
ضيك همس ليها بنسمه حنينه
كان ضى يشبه سوسنه
يا روح .. يا هايمه فى حبى .. لى تسلمى
وتسلمى دايمًا على يا روح ولى تكلمى
أنا قلت ليك يا طه يا حبى الشريف
محتاج لـ (لقمه) بسيطه من ربع الرغيف
أنقعها فى الميه العفيفه الزمزمى
واتشد ليك .. يا طه .. واشهق ع الجبين
مين اللى يقدر يوم يقولك إنت مين
إنت الرسول وانت النبي
ومازال فى مصحف ربنا .. سوره عظيمه فى الكتاب
تتفتح الأبواب على نور .. التسامح بين قلوبنا الطيبه
من قد إيه واحنا هنا
كل الأمانى الممكنه .. والدفتين للمركبه
والدبتين للبننت فى لحظه زفافها للسما
يا روح لروحنا المتعبه
الدمعه بالقرآن مازالت مغرمه

والحزن جوه عنكى لسه علينا
من عصف الرياح المؤلمه
[من (زنه) خارجه من قرود
من ليل قمى حالف يعود
علشان يدوس فينا الميلاد]
من كل فكر ضئيل ما زال بيدوس على مخ البشر
من ألف ألف تفاهه .. ألف متاهه لسه بتنتشر
بين خلق لسه فى القنايه مبلبطه
وانا يا حبيبي يا طه .. ماشى بدون غطا
لكن غطايا سحابه مرسومه عليها بصتك
وكتاب بيحكى قصتك
منذ ابتداء الحب والإحساس لقلبي اللى ابتدئ ..
ينطق لناسك لاجل يحكى اللى جرى
حاولت تمشى معانا للقدام .. مشينا للورا
دا لأن نهر الحب فاضى بدون شطوط
أنزل ؟ .. هاموت
من غير ما أغسل قلبي بمياه السجود والأديره
قسمت أرض الحب بيننا بمسطره
والفرفره .. ظهرت فى روحى لحظة الذنب الرهيب
وهلال صليب .. وصليب هلال جوه انصهار
جوه انكسار الموج على شطوط الترجى للغفور
وأثور .. وافور .. قدام ملامحك ريحه طاهره مقدسه

ميت ألف فصل ومدرسه .. فى مدرسه
يا سيد الأشياء ياروحنا المخلصه
الدنيا لسه ما بين جموعها مدنسه
والسكه مليانه أسا من صُغرنا
الحمل دشدش ضهرنا
[من قبل ما يكون الضيا
من بعد ما ظهر الطوفان
ظهر انهيار الأبنيا
داسوا على الزهر اللى بان]
قبل ابتداء زمن التحمل والليالى المبهجه
قبل التآكل جوه كل الأنسجه
قبل ابتداء الرجرجه فى (القربه) ونخض اللبن
يا طه اللى ما زلت لمسجون وطن
أحلى وطن
يا ضد أطنان العفن .. والمسكنه
رحله وصولنا كمسلمين على كل حاجه ممكنه
دا لأننا
من أم واحده وأب واحد فى الدروب
وأتوب ومش ممكن أتوب ..
عن إنى أنظر لىك طه فى البراح
ألمس رموش نهر السماح والأمنيات
أهمس لقلبك من سكات

باهواك على الدروب اللى ابتدت تصبح ضيا
باهواك ياطه.. مبشر لنا ..

يا سيد الأنبيا

باهواك.. كرايه فوق جميع الأنبيا
وشموع أمام صورتك .. وصورتك زهره فى البستان
وهمسه من عصافير الخلا

[ليك المحبه والخلود

يا ضنورنا اللى ابتدى ..

يصبح برغم الشوك ورود

على كل حاجه فى الفضا]

ليك الحروف .. فيها الحنين

بس احنا دايم ع الطريق متجمعين

ومدمعين م اللى جرى

واللى ابتدى يجرى لروحنا اللى اتملت ..

بالحيره وشطوط الدما

الحق يا طه صبح كالجمجمه

واتداست الأشياء فى زحف الخيل لأرض بدون ميعاد

وجزيره خاليه بدون ولاد .. وبدون مياه

يا طه يا نورالإله

يا دمعه فوق خد الحياه اللى ابتدت تصبح حياه

فى القلب شوق الشوق ..

يا ساكن لسه روحنا بدون شريك

الله يا خيط واصل ما بيننا ..
وبين (تسامح) فى جميع الأورده
يا اللى انت جوه الأفئده .. ترنيمه من رب البشر
تعظيمه طاهره للجميع
وهدوء شريف هادى لقلب ان كان جريح
ومريح وحديثك فى الوجود الصافى يا طه مريح
الخيال بترمح لسه فى الوادى الفسيح
تَحَدَّثْ فى روحنا (قشعريره) مقدسه من رؤيتك
وندوب فى نظرة نظرتك
يا عزيزه على المسلم إذا ..
كان فى الحياه مسلم بدون تحريف رهيب
دايما فى بروازك صورتنا كلنا
بنبص لعيونك فنلقى الحب أكبر م العيون
يا اللى انتى أكبر من الظنون
[أكبر من التخريف هنا
أكبر من التحريف هناك
يا أحلى أحلى سوسنه
يا أحلى حتى م الملاك]
تسلم رسالتك فى الحياه
يا مصطفى المبعوث عشان ..
تصبح رسول .. تصبح نبى
ضد اللى داسوا الإنسانيه بشوك لعين

ضد التكبر والضلام الصعب .. والملاعين

وضد الليل إذا دخل القلوب

مولود نضيف القلب والمولد حمول

قاسيت يا طه من ديول .. كل الأفاعي المقرفه

الله ياسيدنا المصطفى.. صوتك وصل

مهد بنوره طريق هاييجى عليه ياسيد الأنبيا

وانت طه بدون ميعاد

أعلنت فى رسالتك وحاولوا يقتلوك

ولا بوحث غير بالصمت والدمع الحلال

عيسى نطق .. نطق الوجود وياه وقال

إنك أساس الطهر وجبال العفاف

وانك ضفاف الحب ولحاف اليتامى المتعبين

وانك أساس الدين .. لدين واضح وفاضح فى الجناه

وانك نجوم الله فى دنيا بدون نجوم

وانك هاتمحي غيوم كتير مالهاش عدد

وابنك هاتتحول سند

للمرهقين م الشيله من يوم الميلاد الصافى لليوم الأخير

آه يا رسول

الى اصطفاه الله تطهر فى طريق كل البشر

إنت الرسول المنتظر

شيلت الحمولة الصعبه والدين انتشر

ووصل لربّه بالرساله الطيبه

يا طه .. كنت المركبه .. إنقاذ لعالم مش سؤى
عالم دنئ الطبع .. فاسق .. دنيوى
[دنيا مفيش فيها ابتسام
ولا كلمه طاهره تكون شعاع
دنيا ولا فيها كلام
ولا خطوه تحمى م الضياع]
حطيت فى قلب الطمى بذره فرعت
واما الستاره اتمزعت .. من فوق هلاهيل الجتت
غول الفساد أصبح حتت
ولا ضاع من القرآن ورق
ولا باع وحديثك إلا فاسق مفترى
واللى اتقرى .. هو اللى كان واصل لناسك من زمان
ويفوت زمان ووراه زمان
يفضل وليدك فكر واضح للوجود
وفناره طاهره بدون حدود .. وجبال ضيا
[يفضل حديثك سيسبان
بيدارى من عطش السنين
صفحات فى أوراق الإيمان
وحنين مفيش بعده حنين]
إنسان مُنزل من إله الدنيا سيد الأنبيا
ورساله من رب السما والأرض .. رب العالمين
ويا طه .. وتفتوت السنين .. بعد السنين

والعقد لسه ما انفرط
ولا عمره لحظه هانفرط
نفصل معاك يا حبيبي نهمس للجميع : دا منا
ومقامه عند الله كبير
إختاره لاجل يكون عبور .. كتاب كريم من ربنا
إختاره لاجل يكون ضيا فى قلبنا
ويكون فى كل دقيقه ماشي جنبنا
بتقول لنا .. إنتوا تواعم روحنا والإخوه العزاز
نزلت دموعكوا بعد ما قال التاريخ .. إن انتوا أسياد البشر
كان ماشى.. فوق جبل القراز .. وأنه نزف
يا حضرة المرسول عزف .. قلبى فى ساعة رؤيتك
أسطوره فى الدنيا.. ونظره بتستخبى فى نفسنا
يا جزء فاض من شمسنا
يا أمسنا الواصل لبكره .. قبل ما ينون الألوان
يا سوره فى القرآن بترعش فى الكيان
وتهز أرجاء المكان
مين اللى يقدر يختلف .. لحظه عليك ..
ياطه كيان فى أرضنا
فى أرض كل الكائنات
مين اللى يقدر يختلف
فى أعلى خلق الله وأظهر خلفته
فى الهادى .. فدان الحنان فى سكته

وبقدرته .. خلاه فى قلب الدنيا عالم من خلود
وحدود مفيش ليها حدود .. وطريق سوى
وأمان وتوته بتستوى ..
للى ما زال فى الكون جعان وبدون غطا
يا طه الصيف والشتا
وجميع فصول الحب فى الزمن العنيد
القيد ما زال فى الإيد معلم بالدماء
وانتى ما زلت يا طه باصص
وبتدعى لينا بالهدايه والرجوع ..
للحب والسكه الحنيفه .. والرضوخ لله ..
ودايما فى انتظارنا بالغموس
وندوس معاك فوق العقول المخجله
ندعى لروحهم بالهدايه فى الصلا
جامع .. كنيسه فى حضن بعض ..
فى شارع الود العظيم .. أو فى الخلا
وأدان معاه تراتيل .. معاه أجراس بيدوا فى الفضاء
يحلى النداء لو كان شريف .. يغلى النداء
ويصوموا أولادها معانا كتير كتير
وكتير كتير .. بنصوم صيامنا الطهى
وتسلمى دايما علينا واحنا شايلين الشنط
من عند طه المصطفى

[وتسلمى دايمًا على ..

كل اللي يذكر حضرتك

الصورة فى حالة صلا

تسلم لروحنا بصتك]

ويسلم القلب المحب عليك ..

فى أعياد ميلاد إبنك .. فى كل مناسبة خاصة بقلبك

الكل قال .. بنحبكم .. والهادى قال بنحبكم

الباب فى حزن الباب .. جدار حاضن جدار وطريق سفر

ويا طه يا نهر الحنين المنتظر

زارعين ملامحك فى بيوتنا المخلصة

يا الطه يا أعظم دروس المدرسه

بنقيد فى روحنا شموع خضوع للرب .. نحلم باللقا

ونحس قدامك بحالة رقرقه فى عيوننا .. حالة إنبهار

يا بحار من لؤلؤ .. يا أعظم لؤلؤه

يا نظره ضد الشر .. بتدوس الشقا .. وتحبنا

الله يخليها بقدره كريمه دقه فى قلبنا

وتقول لنا من تانى .. [إنتوا بهجتى

وهواكوا جوه مهجتى

وملامحى جوه بيوتكوا رغم مشاتل الشر الدنى

وانا ع الطريق وياكوا هاتحدى الغزاه

الكدابين فى القول .. عتاة الفكر .. أعداء الإله

الموجودين بيننا غلط
لمسوا الزهور اتحولت .. أحطاب وضمه وكوم زلط
فبلاش تآمنوا للكلاب]
يا طه سيبنا الباب موارب ديب دخل ووراه دياب
ووراه فيران .. ووراه قطط
حاولوا يدوسوا علينا بالعفن العجيب
وهلال صليب داسوا عليه
[بس الإله كان جنبنا
ما قدروا لحظه يفرقوا
حاولوا يدوسوا قلبنا
حاولوا لروحنا يسرقوا]
يا طه يا ابو الشال إلهى ع الكتاف
ضحك الضفاف .. ساعة ما شافك ع الشطوط
ضحك الضفاف .. لما لمست النخله فيه
باركك إله الكون وجاب ليك الحديث
خارج نبى محروس بفضل من السما
خارج خدوده للوجود متبسمه
خارج كائه الصمت ناطق بالحروف
يا طه كان الخوف ماليك ..
من ظنونهم فيك .. م الشك الإبر
بس الإله الباقي كان وياكى .. كمل رحلتك

ولا قولتى غير لله يا طه كلمتك
ومسحتى بسحابة محبه دمعتك
وصبرتى .. كان صبرك رسول
جايب رساله سيول محبه م الفضا
ولا ضاع عذاب قلبك (سدى)
ولا تاه وليدك إنما .. كتروا عليه
حاولوا يدوسوا رساله واضحه بين عليه
واتحدى غيلان الخديعه والقرود
خنازير قمينه عذبه
حاولوا بقسوه يعطلوه عن وجهته
بس العناية شدته .. لأراضى باركتها خطاه
يا طه يا سر الإله اللى ابتدى يصبح (علن)
طبع التسامح كان وطن
كان ابتداء النور وكان تمهيد لأحمد يبتدى
لما الصبى دق الجرس .. ظهر الهلال
فى وسط جهل وليل لا يمكن ينمحي
ويا طه لو تسمحلى يوم .. أوصف جمالك ع الورق
واوصف عرق .. كان فوق جبين قلبك..
فى لحظة ندهته على ربنا
واوصف حنيننا إليكى يا قرآن الوجود
إتهنى فى حضن السما

يا عزيز على النفس اللى ساجده ع البساط
مين اللى قال الحب مات ..
بيننا يا طه .. الحب باقى للأبد
م البدء واحنا فى البلد ..
قناديل بتضوى للى جاى
م البدء كان الناي فى عزفه أحمدي
ليناطه جوه واحه من خلود
دقة جرس ويا السجود
صرخة حرس عند الحدود
والباب فى حضن الباب .. وسكه موحد
وغرام فى كل الأفنده .. مهما جرى
وكلام جميل بيضمنا
نفس الأغاني والقصص .. نفس الحديث
نفس الونيس .. نفس الجليس
نفس الرغبة اللى اتعجن .. بدقيق محبه وابتسام
نفس الكلام .. نفس الشاشات .. نفس النَّفس
نفس الوريد .. نفس الدما
نفس الفصيله والبطاقه والهموم .. نفس السما
دايما مجمعا الهوى والذكريات
ويا الحروف .. ويا السكات
متجمعين فى كل حين .. ومسلمين ..
روحنا لعلام الغيوب

الحب فى كل القلوب .. أهرام نغم
نقسم ما بين الكل دمعات الألم
وما بيننا شئ مالهوش حدود
وقدم بتحضن فى القدم
ومحبه دايمة مستحيل أبدا فى لحظه تنمحي
يا طه يا رمز الخلود
أعلن بأنك لنا واحه من الإيمان
وبأن رحمن الوجود
ذكرك فى قرآن الخلود
وبأن كل شيوخنا فى سيرتك يا طه دمعوا
وبأننا جوه الميدان ..
شوفناك هناك بتقول لنا إتجمعوا
واما اختلفنا حتى بيننا وبين صحابنا ..
قولتى لنا .. لو سمحتوا .. إرجعوا ،



قلبك يا طه بالحب.. قارب كبرياء
وهواك فى قلب نفوسنا فاق .. كل الحدود
واجهت فى جيوش الخنازير القرود ..
من غير رضوخ .. أو إنحاء
يا ملاك بينقش فوق وريد الأرض ألحان الخلود والإنتماء
إنت المحبه للأحبه والنماء
وانت القمر .. جوه الليالى المظلمه
وانتى الفرج .. لعيون ما زالت عايمه فى موج الدما
واما لمحت قلوب لتيار الخلاف مستسلمه
خرجت طيورك م الجوامع للسما
تطفى ضباب نار التعصب والجراح
تلمس سحب الدنيا كله بالجنح
ففتحننا مصحفنا الشريف ..
نقرى فى آيتك يا حبيب القلب يا أرض السماح
يا سوسنه .. بتنادى دايماً للصباح
ونقول معاك بصوت رقيق .. " يا بلدنا حى على الفلاح "
الفكر ومعاه التسامح ..
وابتداء الحب جوه الروح سلاح
طه يا طه يا براح
وطريق لمُهره حزينه فوق أرض السبق
حضنت فى أشجار النبق

يوم الولاده يا طه كان أحلى نبأ
الحب جوه عنكى كان ع الكون مطر الدنيا
يا ملاك ما زال فى عنيه هموم كل البشر
إنت القمر داخل لىالى الإكتتاب .. وانت البصر
وانت المطر يا طه راعش فى ببيان الأمنيات
يا أحلى أحلى الذكريات
يا حنان إلهى
كان حمايه لأرض رب الدنيا من موج الخطر
بدأ السفر.. واتبسمت .. جدران حزينه ضيقه
كانت لىالى العمر زى المشنقه
وهمسلنا المولود بشوق : " آدى الطريق .. إدخل بقى
إوعى تخاف .. من سكه كل الناس فى جوفها سيئه "
ووصلت بيه لما نطق سابع سما
كان اللسان .. علشان عنيك الطاهره جوه المحكمه
كان الكنوز الفاتحه بابها .. إنما
كان فيه على السكه خيول صوتها غبى
داسه طريق .. داسه صديق .. فى الطبع أصله لولبى
لكن هاقول .. الله على خروج النبى
الله على اللحن الشريف اللى اعزف
نزف الوريد يا حبيبى .. من بدء الولاده كان نزف
وعزف فى لحن الثوره .. قولت يا طه: " عيد "
القيد دخل فى الإيد وصوت العتمه ساد

خنازير .. قرود جوه البلاد
خلوا القمر يا طه يشعُر بالخلج
فى كل يوم يا حبيبى كان عيسى الحبيب ..
يستنى فى قدوم الأجل
كان كل يوم البدر يهرب فى سحابته ويستخبى م الغجر
حتى الشجر .. ما ارضاش يغير هدمته
دول قطعوله يا طه فى كل الورق
واللى تحدى الكائنات السيئه .. صابئه الجنون فى معدته
فهرب على كتفه بقايا مخلته
والقلب خاف م الدق .. شق الليل وباح
آه يا شرع القلب .. يا موج الأمان والإنشراح
إن باح فؤادى بحب هاعلن اسمك الملىان ياقوت
عيسى ما خافش فى يوم يموت
كان طفل أخضر جاب لكل الدنيا قبل رسولنا توت
خلانا يومها نفوت ونتحدى السكوت
كان صدره ضيق م الزفير ويا الشهيقي
عمر الغرور ما أخذ خطاه لنيران مضيق
ولا ضاع فى قلب الضلمه أو داس الحروف
عمره فى يوم يا طه ما استسلم لخوف
ولا مره قال من غير سبب
داسه المخنث باللهب
حاول يدوسه بناره فى الزمن الشحيح اللى ابتدا

ولا مات يا طه فى يوم ندا
واما الحبيب الدافى أوشك ع الخروج
الموج لطم فى ضلوعه بالريح القزاز
دخل الرزاز .. زى السيوف فى نظرتة
ياما وياما نده عليك فى خلوته
من بعد ما الشياطين بإيد الشر
جابوا حيتان رهيبه مزعجه
أيوه وصل .. وزرع نخيل الحب جوه الأنسجه
فعلا صبح .. عام الرماده بنفسجه
شربوا البشر .. من إيده كاسات المحبه المبهجه
قال للجميع يوم الوصول
(إزاي حال القمح جوه عنيكوا .. كيف حال القلوب
هل فيه غروب أبدى ما زال متدارى فى همس الغروب
هل فيه دمار .. هايهز برج الأمنيه)
الكل قال : " أبدا لا يمكن .. مستحيل الفوز أكيد للأنبيا "
فخرج يردد للصبايا الطاهره أعظم أغنيه
وهمس لدنيا الناس بصوت مبحوح : خلاص فجرك بدأ
صوته نطق .. دق الفؤاد دقات بتشبه دقتة
قبل الدخول بالسلسله
قبل ابتداء الزلزله
وانت يا طه يا رسول
الحب كان جواك وكان نازل كأنه فى الصلا

وما زلت فى البرواز يا طه يا رسول
دمعه بتصرخ لو تشوف ..
أطفال على مليون سياج من غير غطا
فوق الهدوم جبل الشتا
والضهر شایل كل أحزان الوجود
بتجود بدمعه حب طاهره لو تصادف همنا
وكان قلبك أمانا .. بيضمنا وقت المحن
ويزيل جراحنا بإيد حنان
ويعود لنا طيف الحديث .. جايب عشاننا كل حاجه فى مخلته
فعلا سند للكل .. طير الحب حاضن نخلته
والليل سهر وياه زمان جدا .. وغنى القلب ساعة دخلته
نورس رقيق الشكل طائر فى الزحام
نسمة محبه حرير فى عالم من رخام
وكلام جناحه فزدقى
يا طه دايمًا كل ليله تحط نور على نفسنا
تهمس إلينا خلاص خلاص ..
الديك عشان الفجر يا أصحاب خرج
بعت القدر ليكوا الفرج
قارب نحاس ملىان بلح .. ملىان عنب
وياه ملاك .. يقلع من القلب التعب
يصبح وريد للقلب يفنى أبو لهب
ويكون حماتا فى الزمان الشوك ..

وضوء الدنيا يخرج من ضياه
سارج فى قنديل العطاء
حب البشر جواه بيشبه للصلاه
م القدس .. بدء السكه جاب الضحكه للقلب الحزين
أصبح فى أمواج السنين .. شطين حنان .. قارب نجاه
وياه طيور البسمه .. جوه النسمة بادنه فى السفر
إسم القمرطه.. يا اخويا يا قمر
هاغزل قصايدى الخضره شال .. يحميك إذا بان الخطر
من نار عقول متخلفه
واصبح مطر بالمصطفى
عشاشان زهور القلب تشرب .. تبتسم
وانت يا طه يا رسول
هاتعيش ملامحك جوه قلب القلب .. واحه بتترسم ..
فى عيون ولادى الأبريا
أصل العطاء .. يا طه طبع الأنبيا
يا سيول محبه وأغنيه وكلام رقيق
آدى الطريق .. أصبح محبه ونور ماوردى وسوسنه
آه يا أنا .. حبك عشان أقدر أقوله قصيده ..
لازم أعيش معاه مليون سنه
يا سيسبان الرحمه يا دقة قلوبنا المؤمنه
يا بو المشاعر خضره .. دافيه .. حنينه
ما زلت أزهار المنى

وسفينه جاييه عشان جميع الدنيا زاد
من غير ميعاد .. إبنك دخل ع الساحه ..
قاد الراحه فى الواحه الحزينه الضيقه
ضاع الشقا .. من بعد ما جاب الصفا
جاب الشفا .. وياه محبه وجاب مع القرآن حروف المعرفه
ورسم فى قلب الدم قارب سندسى
مين اللى قال .. إن (النبوه) تتنسى
فى هلال فى قلب الروح سناه
وانت يا طه يا مبتداه
يا ميدان كرم .. للى انحرم جوه الحياه
خرج الكتاب للدنيا .. ضوء الفجر خارج من ضياه
آه يا حنان الدنيا آه .. يا حنان أخذنا لفوق لفوق
رسم المحبه فى العروق
خلانا تانى ندوق أمانى مفرحه
وانت يا طه الحب يا أعظم رسول
كان بين عنيك أمنيات ..
والناس عنيهم أسلحه
خرج الحديث ياطه شافى للحياه
نخله كريمه .. عظيمه .. واهبه بلحها للقلب اللى عاز
ضله عشان كل العزاز
نسمة أمل .. طافيه من القلب الذهب
إنسان بيملك كل أمواج الأدب

وطريق فى قلبه الحب .. قايد بالشهب
سبحانه آه خلاك نجوم حب تهدى الى تاه
يا سفينه .. حاضنه مدينه لسه مدينه ليكى بالكثير
وانت يا رمز الحب يا جبل الحرير
بتبان شعاع .. لحظة ما شمس الحب فى الضلمة تغيب
ما انت الحبيب
تلمس إيديك الطمى يتحول حليب
يا الى انت شيلت الجرح نازف ع الكتاف
نوهب إيكى الحب ورده ع الضفاف
تصبح لحاف ع الدنيا .. تتحول ندى
بيك الطريق كان ابتدى .. يا شعاع أدب
أحلى الكلام الى اتسمع أغلى الكلام الى انكتب
حساس .. مشاعر صافيه .. روحها من ذهب
كان جوه بحر النور شراع الحب فى بحور الرجا
كان فى ليالى العتمه .. كان بدر الدجى
وإيمان بشوق حاضن نسيم
خارج بيغزل للوجود شال الإيمان والأمنيات
كان النبي ع الأرض .. أحلى الذكريات .. أغلى الحروف
صان الوجود بالدم من كل الظروف
دارى القمر بنجومه من ليل الهلاك
باصص من الشباك عيونه حنينه
قدامه كان أصعب سفر

جوه ضلام الدنيا كان مليون قمر
ولمس فى أطراف السما
قلبه سما .. وسند صحابه الطاهره فوق جسر الخطر
خلى سيول الحب ع الدنيا الحزينه تنهمر
ونده على الدنيا الحزينه بصوت شجن
أقسم على الدنيا تعيش جوه السحاب
وهمس لها : إوعى فى ليله تخرجى
أو حتى لحظه تُخرجى
وهمسلها : قومى اسرجى شمع العفاف
جابه الرغيف للكل .. جابه وياه لحاف
أصبح عشان كل اليتامى المجروحين مليون ضفاف
وهمس لبدر السكه إوعى فى يوم تخاف
كان للى تاهوا جبال حنان وشطوط نجاه
وهديه من عند الإله
كان القمر .. لو مره شاف الدرب تاه
كان نور سفينه ومينا .. كان مليون حياه
والبدر باصص بارتياح
الله على التفاح إذا .. غنى على كل الشجر
الله على قلب الملاك طه ..
لما يحمى الدنيا من نار الخطر
ويجيب عشان الدنيا ميت مليون قمر
وشرح لكل الدنيا إن الخير حرير

خلى الطيور الميته ع التل تتبسم .. تطير
وصبح بقلبه نهر شوق
أخذ الصحابه معاه لفوق
وقطف لهم .. منجة محبه من على كل الفروع
قال مستحيل الناس تجوع
وخرج وجرح الجرح ساكن فى الضلوع
وشرب كاسات المر .. بحر الصبر .. حقق للى جاعوا أمنيته
وعزف فى لحن بدون نهايه مزعجه
رسم الإله الباقي جوه الأنسجه
ورسم جناح نورس .. وشمس منوره .. وبنفسجه
وصبح بحور الحب فى الزمن الشحيح
تنزف عنيه الدمع لو شاف الجريح
ياما وياما كان علاج .. للدنيا من شوك الطريق
كان بارتياح ومحبه يعطى للصديق أمواج دفا
عمره ما ساب إنسان بيصرخ فى الزحام
كان ع الآلام برد وسلام
وكلام رقيق المعنى .. جوه الروح برق
وأخذ قلوب الدنيا فوق ويا الحروف
حيث المحبه باينه من شباك هوى
كان الإيمان فى القلب .. كان أشرف دوا
يا طه كان الروح وكان المحتوى
غطى الجميع فوق الطريق .. بالشال وخلق الروح تطيب

واتحققت بيه الأمانى والصفاء والأمنيات
وصل جميع الصحبه شط المعجزات
كان نفسى يا طه الحبيب الدافى أقدر أو صفه
أو أعزفه فى سيمفونيه شوق أصيل
أو أزرعه فى نهر نيل
مركب تجيب الروح من الأرض الخراب
توصل بها لنجوم ضيا
طه ختام وسيد الأنبيا
خلى الأمل يخرج .. يقوم
من بين تراب اليأس وجبال الأنين
داس ع الضلام .. علشان يداوى القلب م الليل الحزين
الأرض قالت من جحور الحزن والهم الدفين
باستحلفك يا طه يا سر الحياه توهبنى مهره حنيه
نظرة عنيتها سوسنه
تحمينى من دعر السنين
يا اللى انت فى الواقع أنا
حكموا على الأهل بالإعدام وداسوا خلفتى
خنازير .. قروود .. حاولوا فى لحظه يقتلونى ..
يدفنونى بكلمتى
حاربونى فى عز احتياجى للمسانده الطيبه
إنقذنى بالحب الشريف يا مركبه
ضاع الصبا .. مابقاش لقلبى دقه واحده تسنده

مابقاش لقلبي نسمة واحده تسعده
أو حتى بسمة تبعده .. عن أى حاجة تهدده
حاربونى .. سابوا شمعتى ..
لرياح عتيّه حربائيه .. خنزيريه .. مزعجه
باستلفحك يا طه يا سر الحياه
يا اللى انت جوه الأنسجه
تقبل حياتى وكل عمرى بنفسجه
يا بحر هادر بالحنين
ويا طه شال الحمل فوق كتفه النحيف
وما كانشى جوه الجيب رغيّف
أو أى حاجة تسند القدم اللى تعبت م الحصى
صبح ومسا يا طه بتبلغ رسالتك للجميع
يا ام الرضيع الآتى من فضل الإله
بنحب فيك جبل الهدوء .. ونسيم أصيل فى بصتك
ونحب نحكى قصتك للعالمين
ونصلّى ع الهادى الأمين
ونصلّى ع القمر اللى كان ع الكون رسول
يا طه يا جبل الأصول يا معجزه
حطينا صورتك جوه روحنا اللى ابتدت ..
تعزف عشائك لحن صافى بدون عُقد
يا نجوم محبه بدون عدد .. وجميله فى الدنيا الجفاف
لو زاد عطش .. بتكون عشائنا صفاف شبع

آه يايتيم اللى صبح للكون ونيس
كان الجليس مالهوش مثيل
وانت كنهر النيل ليلاى تشبعه .. من زاد إلهى فى كل شئ
عمره ما خاف نار الطريق
واتحدى فى الخنازير .. فى قرد بألف ديل
آه يا إمام سيد على الوجود
يا بو السجود ربانى طال فى سهرتك
ما زلت جوه زحامنا راكب مُهرتك
وتقول لنا إن التسامح .. هو شرع الله محبه للجميع
وان الربيع هايجيننا لو كنا زهور
ما نعترفشى بزور ولا بهتان ونعبد ربنا
نغسل ليلاى قلبنا .. م الحقد والخرافات وتخزيق العيون
يا طه مين يقدر يخون عهد المجير
مين اللى يقدر يستجير غير بالإله
مين اللى تاه .. غير اللى تاه
غير اللى داس فوق الحياه
غير اللى قال الكلمه زايغه ضدنا
وانت هنانا وسعدنا
وانت الرقيق دايمًا عالم مش سليم
والله والله العظيم
حبك فى قلب العالمين .. شلال من الحب الحلال
وجبال من التراتيل وسوره من الكتاب

يا فاتح فى باب الود للجمع الغفير
ومعاك يا طه سهران فى مليون ميدان
يا إيمان إلهى الشكل واطمئنان حسن
رفضك لخنزير الوثن .. ولقرء كافر بالأصول
بنحب فيك يا طه إنك كنت لنا المنتظر
وتحدى واضح للى فاقدين النظر
وهدوء أمام المشكلات .. والوهم .. والشك اللعين
سيدنا المسيح الصافى بشر بالأمين .. وبأن روحه ملهمه
يا ضىّ دافى م السما
وشعاع ما زال جوانا طاهر منظره
بيقول لكل الدنيا آه لو تنظروا
هاتشوفوا حُسن الحُسن فى الوجه اللى مش مخلوق سواه
هاتشوفوا معجزة الإله فى نظرتة
هاتشوفو طه نسمة من نص الفضا
وحاجات كتير متحدده
وبحور صفا متجدده .. مُتعدده
هاتشوفوا طه سيده
بتنادى ليكم من دواير بحور إيمان
بتحكم من غير حدود
أيوه اصطفاها الله تكون ..
السيمفونية فة قول محمد للأيات
فى الفجر تصحى معانا لاجل تبارك الضىّ النضيف
لو فيه رغيف .. بينها وبين المسلمين بتقسمه
ملايين فى كل الدنيا لسه بيحلموا .. ويا الرسول يتبسموا

وبيرسموا ليه الملامح فوق جبينهم باشتياق
مين اللى قال بيننا خلاف .. مين اللى قال بيننا فراق
يا قلبى يا مشتاق لظه ..
إقرى سورة الحب فى قلب الكتاب
وافتح عشاننا الباب وقول لحرورية الجنه الشريفه إدخلى
قلبى فى إيدك .. إنخلى .. خليه رغيغ
نُصه لميت مليون كنيسه فى الوجود
والباقي للملايين فى مسجد قد أرض الله .. وقد محبتك
الله عليك فى دخلتك ع المسلمين جوه البيوت
الله على شجرة نبق .. حاضنه فروعها الطاهر توت
الله على صوت السكوت ..
لحظه ما ينطق فى الكنيسه بصوت شموع
الله على ضىّ الخشوع .. للخالق الفرد الصمد
الله على رعيّة خضوع .. الله على عيسى سند
الله على رجفة خشوع .. الله على أحمد مدد
لما ابتديت رحلة طلوع .. حسيت بجوع
بصيت على سورة ياسين
بصيت على صورة يسوع
فلمحت عنيك بينده من بعيد
بس الجديد يا طه .. إن الضى كان نازف دمّوع
[فى طلتك قال الفضا .. الله على صوت السما
الكل قال لله رضا .. وعروقتنا عاد ليها الدما]
الشال على ضهرك دهب
والشال على كتفك سحاب لون السما
لا حزينه روحى فى الحياه لا متبسمه ياطه
والعود شعاع م الأرض واصل للفضا

والتوب ضيا

وحزام بلون البحر فى حالة صفا
والتوب بلون القطن قبل ما يجمعه
والكفتين مقاديف بلون لؤلؤ عفى
ومحبه خارجه من قدم واحد ..
وأما التانيه ساكنه جوه توب الشقشقه
الخد أملس كالنسيم لو ينطلق ناحية يتيم
والأنف مش محتاج لوصف لأن شكله أحمدى
وشفايف الضوء الرقيق .. مرسومه بالضى الحلال
والحاجبين

حاجب مدارى نفسه تحت الشال بشوق
والتانى حارس جفن لون التلج ..
وعيونك بتنظر فى اتجاه مالهوش مدى
والدقن سهل حرير إلهى فى منظره
والخد أنشودة مطر
الحسن بان

[سنتى بسنتى الحسن بان .. فدان من الفتنة الحلال
حضن الجرس صوت الأذان .. والهادى كان وياه بلال]
والباقى .. إسم الله عليه .. إشعاع سيول
ويا طه يا أعظم رسول
بصيت عليك نظرة أمل
وعيون بتتهجأك من أول خروجك للحياه
بتنادى ليك مهما جرى
إنسان فى توب العفاف جوه طريق حياء
إنسان بيجرى الكبرياء .. فى عروقه بيبوس الدما
ودراع يمين .. ودراع شمال

فيهم (مراحب) للى جاى
والصمت ناى فى حضن ناى بيسلموا
ويكلموا الكون اللى قال عنك ..
مدينة عفء بابها من زبرجد لؤلؤى
وتقول لروحك قومى لاجل ماتشرقى
وتشفشقى ع الكائنات
وترقرقى دمعء على وادى السكات
وتروقى الميئه عشان .. نشرب ونرجع للآيات
نلقاى سورة طه فى كل العيون المؤمنه
نلقى حديثك فوق عيونك سوسنه
بتنادى للشوك اللى جوه نفوسنا يمكن ينمى
جوه جفافنا بتطرح الآيات عصير شجرة نبق
سموها طه من زمن
كفك وطن .. والتانيه واحه مضللء ع العرقانين جوه الخلا
صوتك إذا كان بان أكيد هايكون صلا
وعبادء تحت فروع كافورى مقدسه
ألوان فى لوحة حب تشبه مدرسه
أجزاء مع أجزاء بتحدث (ذذبء)
والسيره سيره طيبه
والعود ما زال شامخ شموخ الدين فى أيام التحدى والمحن
والصبر لو ضاع الطريق يصبح وطن
وهروب تجاه الله إذا هرب الجميع
إخترت تبقى ربيع جميل
[أحمد بيتحدى الرياح .. لو دق صوتها ع البيوت
مع دخلته دخل الصباح .. بحروفه دايس ع السكوت]
ليهم نطق قبل السؤال

ليهم همس إنه حلال
وان اللى فيه .. روح التجلى والخلود
ليهم همس .. إن القدر والمعجزات ليهم حدود
بس انتى خطيت الحدود الممكنه
وسبقت كل الأزمنه
وأنتيتى بالمولود يهز وأتيت بوحي أركان الحياه
روح الإله .. فجأه لأرضك عطرت
فاتحررت روحك .. مفيش أبدا خطأ
وحبك نطق .. فنطق معاه الكون ضيا
ونطق معاه الليل جموع من أمتك
حواليه بيتجهوه وللقول المقدس يحفضوا
دخلوا ما لحظه اترددوا
دخلوا فى لحظه جددوا ..
شكل الحياه اللى ابتدت تصبح حياه
يا طه اللى وليدها ربّه إصطفاه
صوتك بدون ما تقولى جوه الكون صдах
فى جزيرة بتدق الجرس
أو أى دير جواه إيمان
ياشبهقه الفجر المضى
سورتك بتدوى ع الطريق
وتعلم الناس اللى تاهت
معنى إن الكون لا يمكن يقسموه
وان الوجوه .. لو فيه تسامح مستحيل تصبح ضلام
وباحب فيك يا طه ترنيمتك وسعيك للسلام
الله محبه ونور أحبه وابتسام
الله لا يمكن لحظه م اللحظات ينام

يا نجمة الطُّهر اللى بانّت من سموات الوجود
للّه نعود مع أحمد الهادى البشير
ومع المسيح إبنك يا طاهره يا بتول
للّه نعود ونقول بأن الدين لرب العالمين
والدنيا لينا بدون خصام
عاشقك يا طه عشقى لسحابة مُحبه ..
بتشتى فوق كل البيوت
عشقى لصوت جاى م السما
لحقيقه مش ممكن تموت
وأفوت على صورتك ألقى القلب حاضنك باشتياق
بيننا يا طه مفيش فراق
ومفيش خصام ومفيش جفا
بيننا دفا .. بينا صفا .. بينا شفا
بيننا محيط من معرفه
إن انت أظهر قلب بين كل البشر
وان انت مصباح المطر
جوه الجفاف اللى ابتدى
فى قلوب دنيئه مُعرضه
وان انت كنت يفضل ربك كل شئ ..
شايله فى قلب الروح نبى
ضد الخنازير الغبيه .. والقروذ اللولبى
وانك بفضل الله وليد
فى مجتمع قاسى .. عنيد
يا دقة المطره على الفجر الجديد
كنتى ابتداء .. زمن المحبه والتسامح والصفاء
كنت الدفا للدنيا فى زمن الجفا

كنت الدفا .. بين السحالي والأفاعى والعرس
كنت الجرس .. يبصحي كل الميتين جوه القبور
كنت انبعاث النور من الليل العميق
وطريق بينده للدبيح
وصديق يبشفي فى الجريح
و (سبيكه) من ذهب السما
قلب الوجود بضياك سما
ووصل بحبل الصبر للملكوت وكان ..
هو المخلص للجميع .. من ضلمه دايسه قلبهم
و (رزايا) واقفه جنبهم
[يا " صرة " النور اللى بان .. غطى الزوايا الأربعه
داس القروذ الأولعبان .. والثرثره .. والسرعه]
ووصل أراضى الكون سحابه مضلله
عرفوا الصلا والحب .. عرفوا حقهم
عرفوا حقوق الله وآمنوا بالرساله وابتدوا ..
فى مرحله غير مرحله
الدنيا قامت فجاء شافت زلزله
رفعوا ايديهم بالدعا
حضنوا الرسول لما دعا .. للحب .. للرب المعين
يا شمسة الحصن الأمين
ما زلت جوه الروح ملامح مخلصه
ما زلت أعظم مدرسه
ما زلت أزهار الحنين ..
جوه العيون اللى انت فيها مكرمه
وبتعشقتك .. كل النفوس المسلمه
وبتقرى سورتك ع الملاء

ونقولها لأ .. لو حد حاول يطفى شمسك دون ضمير
أو حد حاول يهدم الصرح الكبير
يا اللى انت شيلت على الكتاف ..
الحمل .. كان حملك تقيل
والقلب كان قد الطريق
وخرج بجرح رهيب بيقتل فى الجسد
كان الجسد مرجوف من الوجع العنيد
[يا قوه من عند الشديد .. يا حبيب على القلب
دخل القمر جواك كان .. نور الإله لو يوم يقيد]
النور خرج شلال من الجسد النحيل ..
جسد الرسول المنتظر
والليل هرب من ملمحه
نزلت نجوم الدنيا لاجل تبوس إيديه تستسمحه
يعطيها سنتى من الشعاع
الله على الأمر المطاع ..
يا طه لما النور برق
لما انسرق قلب الجميع من رؤيته
لما زرع .. فرع الخلود فى يَمْتُهُ
وفرد شراع فى مَيْتُهُ
الله عليك وانت زى برق فوق كل السطوح
الله عليك لما ورودك فى البوادر تفوح .. وتتحول مطر
من نظرتك قلبى انشطر نصين ..
وهبتك نص والنص اللى باقى هديته للأخ المسيح
الكون جريح يا طه من فعل الجناه
من طبع أعداء الإله
واللى ابتلاه الله بفكر ضئيل بيتعب فى الحياه

[يا نين عين كل الأنام .. يا سلام على شوك الوجود

والله أكبر م الكلام .. والله أخلد م الخلود]

والروح يا طه وحنينه

الشوك وصل كل العباد

وانت اللى قلبك سوسنه

وملامحك المحروسه بوسه على حدود كل البشر

مليون قمر فى جبهتك .. فى جبهتك مليون قمر

وعزيز يا طه دايماع الجموع

قادوا عشان حبك شموع

زادوا فى وصفك يا سيادة الطه فى زمن السكوت

اللى اصطفاه الله لا يمكن يوم يموت

ويفوت علينا كل لحظه ضياء على كل الحيطان

وعلى البيبان .. وعلى الفضا

يا طه يا ميدان رضا

يا ملامح الراحه الرقيقه للجميع

يا غصون ربيع الصبر فى زمن الجفا

ذكرك .. يا روحنا يامصطفى

الله فى كل كتاب نزل

وصانا نفضل فى الحياه من غير خلاف

وصانا نزرع .. ع الضفاف .. شطين من النخل الشريف

وصانا نقسم فى الرغيف

ونكون طابور واحد فى سكة أمنيات

يا طه .. واقف من سكات

قدام ملامحك .. والملامح ومضه من نور الشروق

وشعاع بياخد روحنا فوق .. ويهزنا

وبيرعش القلب البرىء

جاه النبي ..

يا طله البدر المضى .. يا روح لروحنا المرهقه والمتعبه
النظره هى المركبه فى محيط شفا
و (التكلفه) يا طه كانت صعبه ..
ع القلب اللى شايلى هم مولود الخلود
وما كانشى فيه جواك حدود ..
لمسيره فاضل فيها .. كل الباقي من عمر الحياه
آه يا شعاع الله يا دقه على ببيان الشقشقه
آه يا لقا الأحباب فى ميت مليون مكانه معطره
آه يا طريق متقاس بأطهر مسطره
بعتك إله الكون تشيل فى طوفان ضيا
آه يا يا طه يا أعظم رسول
ولا عندى كلمة حب تقدر توصفك .. ولا تنصفك
الله بفضلله شرفك
واختار رسالتك للخروج .. من ضلمة الليل الرهيب
صبح الأيمان هو السرير
هو الضمير اللى انفتل .. جوه الديابه والقرود
الله على صوت الخلود لو ينطلق
الله على قمر الوجود لو ينفلق ..
نصين ويرجع تانى فى هيئة ديانه مقدسه
إنت ياطه مدرسه ..
فى الحب والإخلاص وتهذيب النفوس
علمت كل الكون يكون ..
واحة تسامح وانطلاق نحو الهدف
قلبك هتف .. الله تسامح مهما كان
الله بنوره الصافى أكبر م المكان
ومن الزمان .. ومن الجموع

والله قيدنا لك شموع
ونزفنا فدان الدموع فى محبتك
والله باقيه قصتك فى قلبنا
والله ماشي جنبنا .. مهما هايعترض الغبى
والله يا سيدنا النبى .. صورتك فى كل مكان هنا
نخله إلهى وسوسنه .. وجبال نغم
ياما نادينا عليك وقلت بشوق نعم
يا اللى الإله وهبك نعم .. جوه المساجد كلها
جوه الأماكن مهما كانت مسلمه
ما انت فى شرع الله يا طه ..
سوره فى القرآن بترعش قلبنا
وبتوهب الليل الشحيح ..
نجمه بطول الأرض وبعرض السما
وأبص للصوره الرقيقه بمهجتى
واحترار يا طه فى بصتك
دى حزينه واللا للحياه متبسمه ؟
يا اللى صبح حسنك على كل الجهات صبح ومسا
يا اللى بفضل الله .. بعدت قلوبنا عن ليل الأسا
ووهبنا نسمة ضياء
فى عنيك يا طه الصبر شلال الإيمان والكبرياء
وإيديك يا غالى شراع لنا
وتفوت سنه بعد السنه .. حُسنك يزيد
ويفيض يقيد الدنيا بشموع المنى
غنوة إيمان متلحنه
ولأننا .. بنحب يا حبيبى بصتك
دايما بنحكى يا طه لولادنا البرينه قصتك

ومفیش خلاف أبدا عليك جوه الملاً
عيسى صدق ..
لما نطق فى المهد .. قال للدنيا عنك كل شئ
يا طه يابوالليل عقيق
والفجر كان مستنى يكمل بالأدان
يا سوره فى القرآن بتدخل روحنا من كل اتجاه
يا اللى بنيت لنا الحياه
يا اللى سقيت لنا القتانى عشان غريب الدار يعود
وتسود قوانين البشر
حاولوا يا طه يرجمونا بالخلاف .. ويعطلونا بالزلط
ويشوهونا بالغلط
بس الهلال ويا الصليب .. إتكاتفوا فى يوم الهجوم
صبحوا جدار .. ضد المساوىء والغيوم
ضد العقول الضايعة فى وادى الجنون
ضد النفوس الضيقه .. لو ترمى ع النار الدنيه جبال وقود
ونعود لبعض يا طه ناكل عيش وملح وقرصتين
يملى الحنين قلبين بدقه واحده .. مش ناويين فراق
بنحب فيك يا طه أشجار النبق .. وكمان نخيل الإشتياق
ونحب كل الحاجات المبهجه
إنت فى قلب الأنسجه
وانت شراع قارب نجا
وانتى الجموع المبهجه ..
لحظة خروجها معانا نلعن فى التيوس
وانت الغموس والملح لرغيف المحبه اللى اتعجن ..
بدموعنا فى يوم الخروج
وخروجنا يا طه كتير
نفس القلوب .. نفس الضمير
نفس الدموع م الخوف على عرض البلد

نفس المدد مدد مدد .. ما تشدى حيلك يا بلد
نفس الملامح والمبادئ والحقايق والسند
والجمعه حاضر .. والأحد
[يا أب للأرض اللى زاد .. فيها الألم والإنقسام
نيجى نزورك فى الميلاد .. فى كل أيام الآلام]
ونحط إيدنا فى إيد (شنوده) أو (تواضروس) أو (ميشيل)
ونشيل هموم الأرض صحبه ع الكتاف
النظره جوه عنيك دعاوى للسلام والإنتلاف
بتجبنى فى الأحلام طيور قدسيه بيضه مزوقه
وشموس نوريه مُشرقه
تنزل دموعى الدافيه لو شفتك بتتعب م الخلاف
ومن الضفاف اللى ما عادشى خلاص ضفاف
ومن الزفاف اللى ما عادشى خلاص زفاف
من بعد ما شمعُه انتهى
يا طه إنت المبتدى والمنتهى
وانت النعيم المشتهى
وانت اللى لسه فى دنياه الأحقاد نبى ..
صاحب رساله خالده
داخل جميع الأفنده
يا اللى انت دم الحب جوه الأورده
المصطفى الهادى الأمين
أمه الحبيبه الطاهره .. أظهر سيده ،

" يا طه أيوه الفرقه نار .. إلغى الحاجات دى م الطريق
خلى الهوى يصبح فنار .. وصديق على الجبل العتيق "
إيه اللى يقدر يرعش الأوتار يطاوع فى الهوى
شوف يا حبيب يارسول.. أنا جيت أقول
طول ما احنا ع السكه سوا

القلب يدفى بشكل واعى ويلمس النجم البعيد
يا (وقفه) طاهره وألف (عيد)
الإيد ما زالت عايزه إيد فوق الطريق
والقلب لو محتاج صديق .. نورك صديق
وكفايه إنك جوه ليل الشوق هلال طاهر مضئ
" لو فيه عطش إسقى العيون .. من طلعتك على سكتى
عارف بأنك فوق غصون .. السكه نجمه فى خطوتى "
ولا حاجه هاتقربنى ليك يا طه غير صوت الغرام
ومفیش عناد ومفیش بعاد ومفیش خصام
واما الآلام توصل نكون شطين حنان
الله عليك يا طه لما الحب يصبح مهرجان
الله عليك يا حب صافى يا أقوى جدا م الزمان
" اليأس لأه .. بلاش كده .. إنت يا طه نهار فصيح
خلى الحياه متجدده .. لو حتى كان الليل جريح "
ويدق قلبى على ببيان الدنيا تفتح يا قمر
الليله يحلو السهر
نطلع على جبل الحلال نزرع هناك ..
" زهر الملاك " والسيسبان
الله عليك يا حب لما تدق فوق كل الببيان
وتعيش معنا التجربة
إوعى تخاف يا طه م الموج العنيد .. قلبى عشائك مركبه
" لو حتى دار بينا الزمن .. إحنا ندور وياه ندور

جاه النبي ..

فى البدء كان حرف الشجن .. هو الى واضح فى السطور "

يا قلبى اعزف ع الليالى غنوتك

إحكى لكل الدنيا دايمًا قصتك

يا فجر خارج من ليالى الصمت يتهجى الحروف

لا خفت أبدا لحظه خوف

ولا همك الليل الطويل مهما حصل

الحب رافض فى السكوت .. رافض فى خطوات الكسل

" إبعدين عن أرض النفاق .. قول للحلال مليون نعم

خلى مفيش بيننا فراق .. والفرحه بين الناس تَعْم "

الله عليك يا طه فى وقت الخروج ..

بالموج ماوردى يا قمر

الله عليك يا طه وانت جناح إيمان لو فيه مطر

وان فيه خطر .. تدارينى بالشال الحرير

إنت المبادئ والقيم وانت الضمير

وانت الى بين الناس هنا قلبك كبير

" صبح الهوى أكبر نفوذ .. والبدر قايد فى الحياه

بيكى الفؤاد دايمًا يفوز .. بيك القمر يلقي ضياه "

دفينى يا طه الأمانى الطاهره ..

خلى الدنيا تصبح مهرجان

عايزين نبان .. مهما نقاسى م الرياح

يا نخله فى أرض السماح والمعرفه

الحب لو جواه صفا .. بىكون جبل

ويجيب أمل .. للقلب لو محتاج أمل
خلى الصديق .. يسبقنى أكثر من كده فوق الدروب
أنا حبى ليك يا طه يا شجر الحنان ..
كالشمس صافيه بدون غروب
" حبك وفا .. قلبك وفا .. يا شمستى المتبسمة
أدى الضباب راح واختفى .. والبدر غنى فى السما "
نفس الليالى والليالى متعبه
نرسم شراع للمركبه .. جوه الخطاوى المغرقه
الحب عمره ما كان خطاوى ضيقه
ولا كان فراق ولا كان شقا ولا كان عناد
الحب أول خطوه فوق جبل الميلاد
يا اللى شطبت من الوجود .. يا طه لحظات السهاد
" حبك أمل خلى الولاد .. وياك يتهجوا الإيمان
داخلين على أعياد ميلاد .. يا طه إفتح فى الببيان "
آجى إليك يا طه دايمًا
حتى لو كانت خطاوى الرحله سوده مضلمه
آجى ألاقى الدنيا بيك متبسمة
وأبص لحظه للسما .. ألقاك فى كل الكون نجوم
وأنام واقوم .. طيفك معايا للأبد
ما انت الحنان والشمعدان وانت السند
وانت اللى ساقى القلب من ساقية شعور
وانت اللى حبك لى كان من غير غرض

" يا طه طار فؤادى .. فى ميعادى وصلت لىك
عاشق والحب زادى .. وغطايا رموش عنىك "
يا طه كونلى النسمه دافيه تضمنى
ما يهمنى غيرك ولا انده يا حبيبى
بعد الرب الكون سواك
أشتاق إىلك فى الوداع صبح ومسا
واشتاق إىلك يا طه فى ساعة اللقا
وأشوف عنىك بالخيال متشوقه .. أخرج وادوب
الرب عالم بالقلوب .. وانا قلبى داب
وكفايه اشوفك فى الفضا جوه السحاب
" قلبى طبق نبق .. متقدم لليتيم
هابكىلك لو سبق .. قلبى إنسان لئيم "
يا طه والأيام بتيجى بفرحه دايمه تضمننا
نلقى القمر .. نلقى نجومه جنبنا
يكبر فى لحظه حبنا .. نصبح وجود
الحب مش ممكن يكون أبدا جحود
الحب لو صادق يسود
والشوك بيصبح جوه أحضانه ورود
" قلبك " وقار " روحك " وقار " .. وانت الهلال وانت السند
كان لى كل الإختيار .. واخترت حبك للأبد "
وتفوت علينا السكه توهبنا الحياه

الحب نجمه للى تاه وهلال منى
وانت وانا .. بصين على عرش الإله لاجل اللقا
لا حروف شقا .. جوه كلامنا اللى ابتدى
ولا فيه هنا .. غير ورده حاضنها الندى
واللى ابتدى ويانا يفضل مبتدى
ومفيش يا أغلى الناس فراق
ولا بيننا غير الحب .. غير الإشتياق
" لاجلك واجهت الليل وجيت .. شايلى فى قلبى جبال نغم
شفتك بعيد جدا ناديت .. رديت بميت مليون نعم "
ويا طه مهما الليل يطول .. حبك هلال
حبك حلال .. وجبال من الضى الحبيب
أتعب تكون بى طبيب الشوق على مليون طريق
ولا لى فى الدنيا صديق غير نجمتك
ولا سكه إلا سكتك جوه الحياه
يا دليل ونيل فى طريق عطش .. وفناره قادت للى تاه
" عشه رقيقه فى ضلها .. خدنا الهوى من غير شعور
لا راحه تانيه مثله .. ولا زهرنا زيّه زهور "
" وانا وانت فى قلب الزحام .. الإيد تنام فى حضن إيد
الغنوه بيننا بدون كلام .. والحزن جايب بعده عيد
فى السكه أتهداك يا طه أمانى مبهجه
وارسم هواك الدافى جوه قلب الروح .. فى روح الأنسجه

والدنيا لو هاتجيب عشاني الشوك جبال
قلبي هايرسم ليك يا طه بنفسجه
ما انت الطريق المرتجى .. وانتى الأمان
وانت الحنان يا طه بان جوه المكان
" طه بتنده يا غريب " إزرع حنان وقرنفله
خلى بحور الموج حليب .. وازرع نخيلك فى الخلا "
وتضمنى السكه الطويله أنادى ندهه بمهجتى
وأشوف عنيك فى سكتى قايده السما
الدنيا بيك يا طه دايمًا فى الوجود متبسمه
والفجر خارج .. سارج الشعلة الحلال
أطلع معاك فوق الجبال .. وتجبنى لو طال السكوت
الروح عشانك يا حبيبى طريق رقيق
فى كل خطوه فرع توت
يا نهر جوه الدنيا ..
قلبي عشان عنيك الطاهره إتحول شطوط
" ودعت كل الناس وجيت .. سلمت إيدك كفتى
ووقفت جنبك أبنى بيت .. وارسم هواك فى كفتى "
يا طه والأيام تفوت مالهاش عدد
ومفیش سواك فى القلوب .. لو هى محتاجه سند
أسبق خطايا فى الرجوع
وأدارى شلال الدموع يا دنيتى

ولا حد يمشى سكتى .. غيرك يا أغلى م الوجود
يا اللى هواك ياطه حب بدون حدود
" أيوه الهوى كُحل العيون .. كان كل يوم يوصل لنا
عمره ما خان ولا يوم يخون .. لو حتى إيه يحصل لنا "
يا حبيبى وانتى بعيد بكون وياك فى نور مصحف هناك
ألمح فى ضىّ عنيك يا طيف لملاك شريف أقعد معاه
عينى على القلب اللى تاه فى غربته
أرجعْهُ .. ترجع سكته
أعزفْهُ .. نسمع غنوته جوه الحياه
الله على النسمة الرقيقه لما يبعثها الإله
ترسم عشان الناس قمر .. خالد ضياه
" الليل مكان " عازف لنا .. نازف نشيدنا للزحام
شایل معانا جملنا .. خلى كلامنا يكون كلام ،
والسكه جبال رياح .. بس احنا قد نارها
جوانا الإرتياح .. والروح عرفت مصيرها "
" الحب هزيمه ؟ لاه .. وشطوط هموم ؟ لا يمكن
أنا قلبى دقه دقه .. جوه قلبك بيسكن "
وبنيجى مهما نيجى .. ونروح فى كل حته
تلقينى يا طه واقف .. مستنى ع المحطه
مستنى عنيك حبيبتى .. فى كل طريق تجينى
يا نور عيونى ما انت .. سر الوجود وروحه

قلبي يبيوس فى صورتك .. لو لحظه شاف جراحه
عمرى ما ندمت لحظه .. يا طه ع اللى راحوا
دا الشط كان ترابى .. أصبح حرير ماوردى
عدى يا حبيبى عدى .. ويايا م المخاطر
النور هو اللى شاطر .. هو اللى باس هوانا
ويانا مش معانا .. إحنا جوه السحابه
عمر العشاق فى لحظه .. ما يضيعوا فى المتاهه
ولا يبقوا يوم غلابه
لبلابه رموش عنيك .. بتنادى ع الحقيقه
وادی الشطوط مضيئه .. بتحن للصحابه
" يا طه قلبي بيعشقتك .. يا فرط رمان العبير
أصل الأصول من منشأك .. حافظ عهدك للمجير "
وأرجع إليك يا طه شایل جوه روى محبتك
من كل رحله متعبه
ترجعلى أيام الصبا .. أنهه بشوق
الإتفاق هاياخدنا فوق رعم الرياح
حبك بيتحول جناح .. أتحدى بيه المشكلات
يا أغلى أغلى الذكريات .. بكره النجوم ترجع لنا
بس النداء يا طه لسه فى احتياج
دايما يبيوس السوسنه
" جنبك فرجها ربنا .. جمعنا تانى بدون فراق
جوه ضلوعنا حبنا .. يا ضى بان " هذا المساء "

ولا هانسى لحظه قضيتها جنبك من زمن
مهما يزيد الحزن ويقيد الشجن
يا اللى انت للمجروح وطن
إهمس لكل الدنيا يا طه المحبه والدفا
المسلمين عايشين سوا
مهما يكون فى الكون هوى .. إحنا سوا
ومفيش لنا .. إلا المحبه والغرام .. أحلى دوا
" الأرض الطاهره أمك .. صاينه بالروح هواك
شايله يا طه همك .. ماشيه دايمًا معاك "
واحنا هنا ..

مهما الزمن بيفوت وننسى كل شئ
عمر الطريق ما يكون طريق .. من غير ضياك يا حبنا
ماشيين معاك السكه نغزل أغلى شال
وإن مال يا طه الحال بنسكن فى الخيال
نحلم ببيت للطفل ويا حصان
وللبنت الحزينه بأسوره

وان يوم ناديت على قلبى بالصوت الرقيق
بنداك ها .. تصبح كل حاجه يا طه طاهره منوره
" ينزل قمرك يلاقى .. القلب فى انتظاره
الله على التلاقى .. على طير قابل فى طيره "
يا نجمة الحب اللى باست خطوتى
ولا ألف حاجه فى رحلتى .. تشغلنى عنك يا قمر

إيه السهر .. من غير عنيك المخلصه
وانت بعيد يا حبيبى يا قمر الحياه .. الصبح يشبه للمسا
وأدق فوق باب الهوى
تخرج يمامة حب تسأل ع الوليف
وتقول بشوق : كنا سوا .. ع السكه نقسم فى الرغيف
آه يا حبيب لاجل للحبيب
خايف سحباب النور يغيب
لو غاب يا طه فى أى يوم
بيغيب معاه البدر يا أحلى دوا .. بيخلى جرح الروح تطيب
يا حب عمرى مفيش فى دنيا الحب زيف
وأدق فوق باب الهوى .. ألقى هلال الحب ضيف
وأدق فوق بابك تقوم الفجر تتهجى السفر
وتشد روحى م الهموم
يا شمعدان الذكريات الطيبه
قلبى رسمته مركبه
على نهر مستنى الوصال
الله على شط الحلال
واللقمه دافيه بين إيدينا ع الطريق
لما الآيات .. تصبح صديق للعاشقين
بيننا مفيش رعشة أنين
بيننا مفيش غير الحنين
يا هوا يا .. آه يناديا للعمر اللى جاى
راسم على شال الليالى ناى وبيت

وحياة عنيك الطاهره أغرق لو نسيت
" جواك القلب يسكن .. إزاي وهو ساكن
يا اللي انت لى مسكن .. ووريد قلبك مساكن "
أنا روحى بيك يا طه فى كل الوجود متعلقه
والحب بيننا طريق بيحمى القلب من غدر الشقا
نفتح بقى للنسمه تدخل من جديد
ترعش ببياننا الضيقه
يا اللي مفيش زيك مثيل جوه الوجود
الحب لو محدود بيشبه شرنقه
" لسه الهدوء فى بيتك .. يشبه صمت الخشوع
فى الصمت يرن صوتك .. يا ضلوع كل الضلوع "
" آجى إليك.. مهما جرى .. مهما يكون
وأدوس على كل الظنون
أسبح بشوق .. فى نور عنيك الطيبه واستنظرك
أزعل إذا كانت رياح هاتأخرك
والليل يجينى ألاقى فجرى جاى معاه
أهمس واقول الله ع السحر الحلال
العاشق المخلص بيقدر ع الجبال
يقدر يحقق فى الآمال رغم المحال
" ملك الملوك جابك عشان .. الدنيا تبقى ممكنه
الشال بيشبه سيسبان .. والكلمه نسمه حنينه "
وادی ظواهر حبنا .. بانث على كل الوجود

جمعتنا فوق شجر الحياه .. أشرف عهود
سِمعتنا كل الدنيا غنوه (مزهزه)
قنايتنا باست يا حبيبي وزها
واتحركت .. كل الطيور .. جوه السحابه الساكنه
والحب كان بيننا عشان الناس هنا ..
لجظة سعادته ممكنه
آه يا (حبيب) قلبي معاك .. لامس فى شباك الفؤاد
ما اعشق فى يوم أبدا سواك .. يا حبيبي يا عيد الميلاد "
نبدأ بقى فى نشيد يداوى بيت قديم
داوى الولاد الخضره م الجرح الأليم
تبقى الحياه دايمًا خدود متبسمة
يبقى القمر من تانى ورده فى السما
علشان قلوبنا الحالمه
" جوه عيون قلبك سلام .. بس الرياح بصبه عليه
أبراج إيمان فيها اليمام .. كل العباد فرحانه بيه "
وانت يا طه يا بتول
" حبك بريد هاييجى .. أخضر لاجل الغريب
باريد حبك يا تاجى .. يا ابو المطر حليب "
يا ابو الأزهار بتضحك .. للصاحب والحبيب
فارده دايمًا رموشك .. فوقى أظهر ستاير
أرجوك تخلص لى .. كل الأشواك حراير
خلي القمر معانا .. بلاش ننساه فى زحمه

وخلى بيننا رحمه .. تقرب المسافه
سكك الغرام شريفه .. وانت قلبك شريف
خلى الأحلام غموسنا .. وبلاش الليل يدوسنا
خلى الأيام رغيف
ليل ويا نهار باحبك
وان جابوا الدنيا لى .. هاختار يا طه قلبك
واقسم بينك وبينى .. عمرى ونور عيوى
ولا شئ يرعش كيانى .. إلا عطفك وقربك
" أرجوك تخلقى بالك .. " الغابه " لسه زحمه
لو تتحقق أمالك .. العتمه هاتبقى نسمة "
" أحمد شريف .. قلبه نضيف .. بيضيف لكل الناس حنان
طارح فواكه فى الخريف .. إنسان فى كل مكان وأن "
فى طريق طويل طويل .. جيبت القمر عشائك
ونسيمى جاب أدائك .. يا طه بالجرس
طاحونتى لسه دايره .. والحب بيننا داير
يا بلبل المحبه .. خليك فى سمانا طاير
وان شفت القلب حاير .. طبطب عليه تملى
خلى السفينه عايمه .. وشراعهها يحب ضلى
قلبى فى الحب فاكهه .. علشان قلبك يحلى
" أيوه النبق للى سبق .. وانا فوق مراكب حب جيت
الدنيا دى حلبة سبق .. ورغيف وهدمه ونور وبیت "
واجى اليك يا طه .. حزين حزين حزين

الحزن فى لحظه جنبك .. يصبح شلال حنين
الله على الإيدين .. لو تدفى بالإيدين
الدنيا يا طه حلوه .. من غير صوت الأئين
ع السكه نخيل مطاطى .. فى نخل على على
بيردلك سلامك .. يا ابو السلام مثالى
روحك جريئه جدا .. فى الحق لا تبالى
يا طه بريئه صافيه .. قلبك بالحب على
يا هلالى فى الضلامه
وهمسة السلامه .. وعلامه للياللى
يا مزوق المدارس .. بدرس .. مش تسالى
يا طه يا نور حياتنا
يا خير موجود فى بيتنا
إنت جبل بيمسح .. شعره فى جبال سحب
جموع فى بحور مغارب .. رغم الصعاب صحاب
بتداوى قلب ماشى .. تحت المطر وحيد
وتجيب جواب لعاشق .. يشفى القلب الشريد
إتدارى بين رموشى .. خلى الأعداد تزيد
ولد وبنت يبقوا .. " عيده " و " عيد " و " باب "
نطفى شمع الأعادى .. والليل والإغتراب
" شايف " جياذ " بترمح " .. يا طه فوق تلاك
قلبك يا ريته يسمح .. أغسل بدموعى شالك
" شايفك جدار بيعلى .. ورزق جاى معاه

لحظه وياك تحلى .. تسوى مليون حياه "
" إنت جدار بيعزف .. وينام ويا العيون
لو حزن الدنيا ينزف .. ب يكون للكون سكون "
" إبدأ خروج م الشرنقه .. إرسمنى تانى ع الطريق
باكره خطاوى ضيقه .. والصمت لو باس الصديق "
ويا (عيسى) يا أول بشاره للرسول
الحب نور .. همسة خيول
فوق سكة السفر الطويل اللي ابتدى
مليون خميله على ورقها الصافى نام كل الندى
إبعد بقى يا حبيبى عن جسر الخصام
عن ليل طويل .. مليون بنار الإتهام
بيننا غرام ما يتوصف بجبال كلام
حتى الخلاف والإختلاف
إلغى وجودهم م القاموس
دوس فوق جبال الخوف وإبدأ فى النداء
كون يا حبيبى المبتدى
" الله عليك جوه السفر .. راسم لنا أجمل شطوط
إوعى تخاف أبدا خطر .. وابنى عشاننا فى البيوت "
" خبينى فى عيون الضيا .. الله على النور الحلال
خلى حروف الأغنيه .. مخلوطه بحروف ابتهال "
وأقول ببحر بعيد بعيد
أيوه يا خدود حبيبى

أيوه يا عيون حبيبي
الأم هو إنتى .. يا عيون طاهره أصيله
والأم يعنى عيله .. وهدوء ربيع ماوردى
عدى يا شمس عدى .. ودوسى ع المخاطر
قلبى والله شاطر .. وقادر ع التحدى
مين يا حبيبي قدى .. روحه فى الحب صابره
مستنى يبجى بكره .. ومعاه أمانى طاهره
" يبجى النهار .. يلقتانا نور .. زارعين زهور فوق جسرنا
يفرد جناحه ع الجسور .. ويفك لنا أسرنا "
يا ضوء الشوق يا صاحبي .. الأب هو إنت
واقف تستنى صاحبك .. يا حبيبي ع المحطه
الأب يعنى ساند .. خطوة صاحبه الحبيب
بوابه خضره دايمه .. ونسيم يشبه طبيب
يا بدر فى سماتا .. خليك دايمه معانا
مرايه فى إيدنا خضره .. وطريق مليان سلامه
بكره هايبجى بكره .. جايب عش اليمامه
" مهما يروح كل اللى راح .. إنت اللى واقف ع الجبل
يطرح لقلبي ميت جناح .. يزرع فى كل الشوك أمل "
" الليل بيطول علىّ .. لو بدرك عنى غايب
والنظره المستحيه .. بتخلي القلب دايب "
أيوه فارقت الناس فى لحظة شوق وجيت
أرسم معاك البيت يكون .. عش الغرام المنتظر
عمر الحذر يا حبيبي ما يمنع قدر

يا طه وانت البدر عالى عن النجوم
بكره يا طه نقوم ونملئ الكون حياه
نعطى القمر نوره ونن عنيه .. ضياه
نرسم حياتنا بالقلم والمسطره والمنقله
يا اللى انتى لاجل الناس عَلا
" يا طه قلت عنك .. قبل المحبه ياما
واما قربت منك .. صبح السكوت يمامه "
ما انت غدير وغيار جديد .. ونجوم على الجبل العتيق
شايفك ضياء .. مع كبرياء
يا حبيبى فوق مليون طريق ويا الصديق
أرجوك يا نور الحب
مش عايزين رياح تاتى تفرق شملنا
أيوه الأمل ويا الإيمان .. هو اللى خفف حملنا
يا طه يا شمس الديار..
أجمل قرار .. قلبى هايفضل فى المدار
قررت أركب مُهرتى .. واكسر ببيان نار الفرار
قلبي خرج ع السكه يحرس طلعتك
قدر الهوى .. يوصل طريقى بخطوتك
وزرع (زبرجل) جوه ليلك وابتدى زمن الخضار
جابه للغريب الميّه قبل الإحتضار
(ماشيه قوافل حبنا .. قادره تخلص الناس سوا
قاضى القضاء يا قلبنا .. حاكم علينا بالهوى
ويا طه يا قمر اللى كان فى المحتوى
هافضل لآخر يوم هنا .. مليون قسم

رسم الهوى بيننا هوى .. ورغيف ماوردى بينقسم
آه يا قمرنا يا ضوء هدوئى المشمشى
يا عيونى إوعى فى أى لحظه ترمشى ..
قدام غريب .. طمعان فى نورنا من زمان
ولا يوم تخلقى الرمش للطعمان بيان أو يترسم
" إنت قلم كاتب سطور .. خلى القدم نمشى بقى
يا طه خلى الشوك زهور .. خطوة فراقنا ضيقه "
أهمس إليك الفجر فى ساعة صلاتى والغروب
نصحى على دقة قلوب فوق الدروب
نضحك لأطفال الحبل .. نوهب عنهم لون ذهب
قلبى اغترب .. أيام زمان .. لكن هواك خدنى معاه
عرفنى فىن ألقاك جزيره حنينه
ولقيت عنيك الصافيه نخله فى الخلا
ولقيت لقاك يا طه يشبه زلزله
" الحب فارس فى الميدان .. " رغوہ " فى موجنا اللى ابتدى
أنا نفسى أشبع م الحنان .. وارسم على زهرك ندى
وانا من زمان يا نجوم هدى
دقيت على بابك وكان أجمل جواب
يا أغلى باب دقيت عليه فى المبتدى
كان النداء بيننا رقيق .. أجمل
ومشينا نزرع فى الطريق .. كل الأمانى الممكنه
وتفوت سنه .. بعد السنه

ما اقدرش اقول أبدا عليك يا طه ..
غير إنك أمانى مؤمنه
وانت يا صاحب يا حبيب
" قلبى ركب مركب معاك .. راح ع الجهات الأربعه
شافك يا بدر الكون ملاك .. وأغانى ضد السرسعه
نار الخديعه مع المحبه بينطفى
واحنا بنقبل أى شئ .. لو كان يا (طه) عاطفى
نزرع حياتنا بالمحبه والوصال .. علشان ما تبقى حنينه
نسقيها م البحر الحلال .. علشان ما تصبح مؤمنه
نروى أراضى الرمل ونحقق أمانى ممكنه
قبل القمر يا طه ما يبوسه السحابه ويختفى
" قلبك يمام فوق الجبل
ونسيم أمام عصف الرياح
جدران بتحمى م النيل .. وسلاح بيحمى م السلاح "
تنادينى لو طال السكوت .. جوه الليالى الضيقه
تحمينى من شبح الضلام الليلى جوه الشرنقه
وتقول للدنيا بصوت كروانى قومى وانطقى يا أرضنا
إوعى فى يوم تنسى الكلام .. أو فى الضلام تتشرنقى
قومى يا دنيا إسبقى .. أيوه اشرقى
علشان يكون الحب شمس المنطقه
ويكون نجوم للود خارجه مُشرقه
الله عليك يا حب جوه الشقشقه

" وتدور سبع سواقي .. تحكيك كل حاجه
الحب فى قلبى باقى .. يا جسور النور يا تاجى "
وانا قلبى كان مليون عطش .. مليون ظمأ
دخل السبق .. علشان عنيك الطيبه فاز فى السبق
قلبى يا طه معاك ضد الشك
ضد الظن .. ضد الكذب .. ضد المسكنه
أرجوك يا قلبى بلاش يكون بدء اللقا ..
يا حبيبى عند المنحنى
أرجوك قابلى عند أشجار النبق
" وباحبك حب صادق .. يعلى بالقلب فوق
يا دنيا المبادئ .. وسكة الشروق "
وانت ظهور البدر .. ليلة القدر فى كل السما
ياما ظهرت نجوم رقيقه متعبه
أو فى الضلام متبسمة
علشان ظروفنا حنينه
وتفوت سنه بعد السنه
تصبح عهدنا مُعلنه
تصبح مناطق حب فى عيون الغريب مترحمه
يا طه يا رمز الخلود
روحى بروحك مغرمه
" لاجلك قطفت التوت وجيت .. مالى جيوبى بالعنب
لما وصلت البيت .. لقيت من قلبى زال كل التعب "

كان فيه فراغ جوه الميدان
وضباب وفتنه وفوضى فى روح الهوى
جينا سوا
وفتحنا باب النسمه ومعانا الدوا
أيوه الجميع أصبح حبيب
يملك فى قلبه الفطنه .. يملك فكرته
وظهرت للقلب الجريح فى سكته
فقس الحمام فى العش لينا كلنا
فايده وشمسة حب قايده ودبلتين
خرج الحنين ع الدنيا فارد فى الإيدين
قلبين يبينوا العش فوق نخل السنين
" قلبى قصيده مُبهمه .. شايف ملامحك فى الحروف
الوحى كان باب السما .. ملعون فى كل كتاب يا خوف "
أيوه فرحت بطلعتك .. يا ملمح القمر الوليد
لسه فى قلبى دقتك .. يا ابو الجديد دايمًا جديد
أيوه فخور وسعيد باسمى المرتبط .. بديوانى
عنك يا حبيبى المصطفى
ويجبنى حبك طير رقيق فوق الطريق
فارد جناح لون الضيا
تكبر فى قلبى الأمنيه والأغنيه
يا طه تتحول حروفها شراع ذهب
سبحانه هو اللى وهب .. الحُسن للوجه الحسن

سبحاته من خلى عنيك يا طه وأسطورة وطن
وديار وسكه طيبه
يا شراع أصيل للمركبه
" أستنظرك جوه الرياح .. آجى إليكى فى المطر
أحميك إذا هلت رياح .. وافديك إذا بان الخطر "
وانت يا (صاحبى) يا عزيز
عودتنى أفضل معاك عودتنى
أسعدتنى بنجوم لقاك أسعدتنى
شرفتني بهواك يا غالى من زمن
عرفتنى إن الهوى .. لو كان حلال يصبح وطن
ولا حد يوم يقدر يكون زيك فى يوم
ولا حد تانى غير هواك يطفى الهموم
يا كل شئ جوه الوجود
أنا ع الطريق لاجلك ورود
وبنادى ليك .. مهما الليالى تاخذنى منك يا قمر
ولا يخلى من غيرك سهر ..
يا حبيبى يا قلبى يدوم
" زمان جرحت قلبى .. بفراقك بس ليله
عايش دلوقتى جنبى .. يا سكة شوق طويله "
وانتى يا طه يا رسول
إنت جرس بيدوى .. يصبح مليون جرس
جراب وسيف وكوبرى .. ماشى عليه فرس

والليل جزيره خضره
وأرض دافيه طاهره .. فوقها رموش عيونك
جدار من ألف حاجه .. يا حبيب الروح يصونك
أيوه لقانا غالى .. نجمه بين الليالى
ع الجسر زى نخله .. واقفه زى الحرس
والحب جمال جريئه .. طالعه أهرام رمال
جايبه أحمال عشانك .. جبال جبال جبال
إنت جمال إلهى .. فاير من الخدود
بيك يارسولنا جاهى .. مسموع بره الحدود
بيك الشموار مبادئ .. على كل الناس تسود
وتسيطر الورود .. والجود والإحتمال
يا حقيقه للحقيقه .. جوه الدنيا المضيئه
وأجمل م الجمال
ويا طه لو هاتيجى .. تلاقينى فى انتظارك
نهري يفرح بموجك .. ليلى يحضن نهارك
هات يا حبيبى مرسا
مركبتى الطاهره لسه .. بتنادى موج بحيرتك
هاجيب يا حبيبى سيرتك
يا اللى صورتك شailها .. فى عنيه وبين كيانى
أغيب دقيقه عنك .. ويجينى الحب تانى
" من بدء الكون باريدك
هلال أخضر ماوردى

قلبي فى حزن إيدك .. عهدك يا طه عهدى
والنور طائر خرافى .. واقف بين الجبال
طاوى السفوح وعائش .. فوق القمم (بلال)
طوفان فى القلب فاير
بيظمن اللى حاير .. لو طائر فى الضباب
يفتح للحب باب .. ويكون أجمل دليل
يا (طمى الحب) يا اللى ..
طالع فوق النخيل
طواف وضفاف حياتك .. قايد فى ألف ليل
الخوف بالحب دوسته .. ويا الليل الغريب
طعم الحياه فى لحظه أصبح إنسان حبيب
واتعانق جوه قلبي .. هلال ويا الصليب
" يا صاحبي الناس تملّى .. عليك بيحسدونى
خلى وزك يصلّى .. فى بحورى ونور عيونى "
وانا لسه يا طه قلبي ..
شاييف حجر ودابير .. بيرسم لينا (غله)
حصان جميل مصهل ..
فى عنيه الشمس طله
حلال يا حبيبي باين ..
جوه النظره الحلال
حصيره مصراويه .. حواديت لاجل العيال
دفينى معاك يا (صاحبي) ..
خدنى فى ليك هلال

يا اللى عيونك مرايتى ..
يا اللى خدودك (أهله)
قمر المحبه شافنا .. فى ميدان الثوره صلى
" شايف حبر المنافق ..
مرفوض على الورق
حاول ع الخير توافق ..
وتجيب اللى انسرق
ويا طه يا حبيبى
لسه ع السكه خاين ..
عايز يسرق آمالنا
حسنه تقدر تداوى ..
حدوته تقيد فى ليلنا
وتطمن اللى خاف
خلى الكلام ضفاف .. نزرع فى قلبه (جمله)
وتكون الدنيا أحلى .. من كل حاجه حلوه
نصبح فى الصمت غنوه
" عمرى ما كنت خاين .. ولا كنت غير وليف
يا اللى رموشك جناين .. بتدوس على الخريف "
أيوه مداين حبى ليك مالهاش حدود
منجم ذهب .. شلال ورود
آه يا مرايه فضه فوق جدران ذهب
بنقول لشمس الود ياللا اتأملى

وَحُدِيهِ بَعِيدَ عَنِ لَيْلِ آلامٍ وَطَرِيقِ مَلَامٍ
وَاحْمِي عَيُونَهُ مِنَ الْعَطَشِ .. وَمِنَ الْجَفَافِ
خَلِيهِ مَعَانَا لِلْأَبَدِ فَوْقَ الضَّفَافِ
" بَصِّهِ عَلَى دَائِمَا .. مَهْمَا الْأَيَّامُ تَطُولُ
بِتَخْلِي الدُّنْيَا أَحْسَنَ .. وَالنَّاسُ تَقْدِرُ تَقُولُ "
وَأَنْتِ يَا طَهْ كُلَّ يَوْمٍ .. عَنْ يَوْمٍ بِتَحْلِي يَا سَكْتِي
مَرَعُوبَ عَلَى أَهْلِكَ مِنَ الْإِرْهَابِ لَيْلَاتِي يَا دُنِيَّتِي
مَرَعُوشَ عَشَانِكَ تَحْتَ أَمْطَارِ الْمَعَانِي وَالطَّرِيقِ
يَا مَلَاكَ نَدَهْنِي لَمَّا ضَاقَ بِي الصَّدِيقُ
وَرَفَعْنِي قَدَامَ الْجَمِيعِ
اللَّهُ يَدِيمُكَ لِلْحَيَاةِ أَطْهَرَ رَبِيعِ

" اللَّهُ حَيَاةً .. اللَّهُ كَرَمٌ .. كُونِي يَا رُوحَ قَلْبِي الْكَرَمُ
تَبْقَى الرَّبِيعُ لِي أَنْحَرَمَ .. تَطْفِي مِنَ الْقَلْبِ الْعَدَمُ "
جَوْهَ الْمِيدَانِ .. شَفَتِ الضِّيَاءُ زِي الْغَزَالِ
سَارِحَ فِي غَابِهِ بِأَلْفِ لَوْنٍ
شَايِفَ مَعَاهِ .. مُسْلِمَ بِيْعَزْفَ نَايَ بِيْتَحْدِي السَّكُونِ
وَهَنَّاكَ يَا أَحْلَى النَّاسِ عَيُونُ بَتَبْصَلُكَ
وَعِيطَانِ عَنَبٍ .. وَغَنَاوِي عَايِزَهُ بِأَيِّ شَكْلِ تَحْصَلُكَ
وَتَوْصَلُكَ يَا طَهْ لَشَطُوطِ النِّجَاهِ
اللَّهُ عَلَيْكَ شَمْسُ الْحَيَاةِ قَمَرُ النِّجَاهِ
" دَقِ الْفُؤَادَ إِفْتَحْ بَقِي .. يَا حُبَّ حَاضِنٍ فِي الْجَمِيعِ

جاه النبي ..

إرسم غصون الشقشقه .. وزهور عشان ييجى الربيع "
وحماني إسلامي معاك يا طه .. من كل الحاجات
ومشيت يا أصل الذكريات .. من غير ما افكر في الغنا
سمعت قلبك كل أشعار الهوى أحلى غنا
وزرعت في عيوني البريق
وصبحت جوه الروح صديق ..
الله عليك يا طه شمس منوره
تسلم لكل الكون عنكي الساهره
" أحمد هناك .. عيسى هنا .. يا حب لا أملك سواك
روحي بنورهم مؤمنه .. والراضى يشبه للملاك "
وانت يا طه يا بتول قلبك ثبات
رغم العواصف والمحن
أصبح طريقك كله نور .. صبح ومسا رغم الشجن
قلبك حياه .. قلبك وطن .. يقدر في لحظه يحتوى
كل المشاكل جوه روحنا المرهقه والمتعبه
قلبك ثراء في العاطفه .. يا كلمه طاهره طبيه
يا اللي وهبت العمر كله بدون تمن
باصص أنا .. على كل سنتي في دنيتك
مسلم وباصص تاني لشموس الفضيله .. وهى بتبوس الضفاف
حتى القمر .. شايف ملامحه في نظرتك
يا اللي غزلت الطرحه من قبل الزفاف
والضلمه لسه ع الطريق .. عاطيه اللي خان فدان سراب

قلبك رفيق .. قلبك صديق
يا حروف محبه إنسانيه فى الكتاب .. الله على كل السُور
الورد فاير بين إيديك المخلصه .. ما أجملك
نور الإله بيكملك .. ويعلمك .. إزاي يكون
الى عشق إنسان حنون .. إنسان صبور
أرجوك بلاش يا (صاحب) نقلق من جديد
الضلمه صبحت لينا نور
" لما لمونى الناس .. أنا .. عاشقك ورافض فى الملام
صبحت حروفي مُلحنه .. وبقيت دليل فى طريق غرام "
دقات قلوبنا الدافيه شايله الشوق علامه مميزه
الروح معاك يا طه دافيه معززه
عصافير بتملى الكون عطور وعبير و عوم ..
جوه السحاب .. بين الهوا .. جوه الفضاء
الله على لون الندى .. الله على عرق الجبين
كلمه رقيقه بتسند الضهر اللى مال
تحمى الآمال .. فى دنيا واسعه م الأذى
" جايب عصير لاجل الولاد .. وشموع عشان اللى اتولد
لهفه فى أيام الميلاد .. يا طه يا أحلى سند "
والعمر قبلك ضاع سراب فى فراغ مميت
قلبي فى حبك عبقرى .. بانى عشانك ألف بيت
عامل معانا الشوق (عمايل) ع الطرق
بان العرق .. يا عيون حبيبي إعرفى

إنك بحبى وحب طه لا بد يوم تتشرفى
" أنت القمر فوق الدروب .. مركب وفيها (٣ نجوم)
ما اقدرش يوم عنك أتوب .. يا طافي من روحنا الهموم
" النور لَمَحْتُهُ فى نظرتك .. وشريفه جدا كلمتك
يا قلب عمره فى يوم ما خان .. تسلم لروحنا شمسك "
" يا توب جميل .. يا توب نضيف .. لون السما .. لون السحاب
يا حبيبى لازم يوم نضيف .. للبيت عشائك ألف باب "
وصحيت عليك الفجر غازل لى توب المعرفه
للحب أزهار الصفا
وتنادى لينا بقلب مش طابق فراق
مشتاق ومشتاقه جوه عنيك شמוש الإشتياق
يا شمس مش ممكن ولا تقدر تغيب
آه يا حبيب القلب يا مليون حبيب
فى البعد بتكون الجراح .. فى القرب بتكون الطبيب
" مره جربت افارق .. ورجعت تانى نادى
جايب ليك البيارق .. مصباح فى قلبه خادم "
حبى الشريف يكون .. فى الكون أو لا يكون
ويجبنى الحب راكب .. " مُهره " راكب مراكب
تتحرك المواكب بالعقل والجنون
باحبك يا حبيبى شموع ودموع عيون
عشان قلبك حنون
" يا حبيب الروح أنا .. جنبك يا بدر على

يا ضىّ سوسنه .. يا شئ فى الدنيا غالى "
من بدء الكون باحبك
واتمنى اتهنى جنبك .. يا حبيبى لاجل اشوف
أفرح جدا يا طه .. لو جانى البيت ضيوف
صفوف صفوف صفوف
وأطوف جنبك أطوف .. ع الجنه وإيد فى إيد
ما انت أهل الكتاب .. ومقرب البعيد
" يا أغلى الناس يا طه .. سامعك حتى فى سكونك
يا نورها .. يجينا بكره .. ما اقدرش يوم أخونك "
طلعت معاك لفوق .. لفوق جبل الحقايق
صادفت طريق طويل .. الليله فيه دقايق .. بتدق دقه دقه
وجانى بعد لحظه .. طبيب مليون برقه
سألنى (ازى حالك
طالت ليالى بعدك .. إحكلى اللى جراك
طاب العنب فى أرضى .. وطابت الليالى
وحزين فى الغربه بالى .. وحالى هو حالك)
أنا قلت (شوف يا غالى
طول ما الكنيسه واقفه .. أنا واقف يا طبيبى
علشان جواها صاحبى .. ومعاه بطرس حبيبى)
" وياك جيت أرسم جناح .. للقلب يمكن يوصلك
لو يوم داويت بعض الجراح .. يمكن يا غالى أحصلك "
أيوه طاوعت قلبى .. وجيتلك لاجل اغنى

طاهر والروح عفيفه .. وانت جسر التمنى
مش عايزك يا حبيبي .. تنسى فى لحظه إنى ..
بين كل الناس باحبك .. يا واحة الأدب
وظلعت معاك ياما .. أرتاح من التعب
" قلبى نخيل طالع لفوق .. هات الليالى المفرحه
خلى الخيول تنده بشوق .. بالصهله والصحصه "
وانت يا حبيبي دايمًا .. حامى فى الليل حمايا
بدراعتك جيببت قوتى .. سايب لى الكلام
بتقول مليون حرام .. نلمس حرف الحرام
وادى الحقوق وراها .. مُطالب للنهايه
ويا طه خلى بالك
فيه ضلمه بتطاردنا .. يا حبيبي م البدايه
واللى مصبرنى دايمًا
حيطان وراها طفله .. ماسكه فى الإيد مرايه
" زمان حريقه قادت .. للروح ويا الجسد
ما كانتش يوم خيانه .. ولا ضلمه ولا حسد
أيوه يا طه إنت .. حريه ع الطريق
فاهم دايمًا حدودك .. قلبك دايمًا جري
حاسب من أى حاجه .. تسبب لينا ضيق
سيب ع المشربيه .. يا حبيبي أحلى قله
بكره الشوك الخريفى .. يصبح فى إيدنا فله
" إنت دايمًا حديق .. مفتوحه بكل لون

الطفل فيها رايق .. لا شجون ولا ظنون "
أيوه الحذر لا يمكن .. هايمنع من قدر
كون يمام بيحضن .. يا روى فى القمر
أغنى غنوه خضره .. بدايتها حادى بادى
يجعل صباحنا نادى .. يجعل مسانا هادى
وانت يا طه طاهر
قلبك بالنور بيحضن .. بالنور كل الأيادى
حالف يا طه لازم .. يكمل الحكايه
يا اللى حبك حمايه
" إنت حماس لشي .. قد الحماس وأكثر
حبك حليب رقيق .. وحصان حنان لعنتر "
والحب خريف بيمضى .. وربيع يا طه جانا
أصبح خبيز لجرجس .. ودافى عشان غدانا
بلاش الشوق يكون .. خلاف وخساره باينه
بلاش بلاش يكون .. بدايه لكلمه خاينه
أصبح فى قلب عيسى .. نسمة محبه صاينه
" ويجينى الليل يلاقى .. عنيه سهرانين
واما ييجى التلاقى .. يفرح قلبى الحزين "
آه يا لمون فوق الغصون داس الخجل
مد الإيدى يا قمر حنين .. واقطف نجومك بالعجل
لون اللمون لون الصفا لون الأمل
لو كنت ناوى أروح بعيد .. إيه العمل
وانت يا (صاحب) يا عزيز
وياك شطوط الحب سيب الموج يفيض

ويزيد فى بيت العز .. جيش الوز وبحور السمك
يا هلال عشان الصيادين .. قلبى انشبك
" مد الإيدين وياللا .. نعوض اللي فات
يا بو الرموش مظله .. يا أغلى الذكريات "
أيوه لضممت القلب بالشوق اللي أصبح كالذهب
مديت إيديه يا طه وسقيت العنب
إتهجى تانى معايا أول صفحه فى كتاب الشهب
آه يا دوا .. لاجل الولاد الضعفانين جوه الصفوف
يا " لمضة " الحب الحلال .. لاجل اللي تاهوا فى الكهوف
يا لحن شوق مليون أمل مليون حنين
جوه قلوب .. رغم المحبه والعمار .. مليونه خوف ،
دخل الضباب .. بيننا زمان .. بس الإله ..
ريحنا من ليل الضباب
وادی الأمور .. ماشيه يا طه بدون ضرر
لازم بروحنا نعيش بدون أيام غياب
ونكون جماعه يا طه لو حان الخطر
آه يا ضفاف صفصاف ونظره حنينه
ونسيم بيحضن سوسنه .. على كل باب
يا نسمة لو باس العيون ليل اغتراب
" لو يوم صديقى ضمنى .. بالحب هاتحدى المحال
نار الضلال بتجننى .. يا ضحكه خارجه بالحلال "
وأنا عمرى ما اقبل اكون يا أغلى الناس ضعيف
علشان ضميرى ما زال نضيف .. وما زال ضيا

وهواك فى قلبى أغنيه .. مع أمنيه
يا حب باصص ع الضيوف
لو حرف ضاع يصبح شراع بين الصفوف
يكفيننا تبقى للحياه دايمًا رغيّف
يا صاحب القلب العفيف بين البشر
لو فاكهه طابت ع الشجر .. نوهبها للقلب اللى عاز
ونشيل قزاز .. من سكة الإخلاص بشوق
نطلع برغم الريح لفوق
" أستنى أكتب كلمتين .. الكلمتين صبحوا ورق
مرسوم عليهم دبلتين .. سبحانه هو اللى خلق
ونقول لرب الكون بصوت
" الصمت جوه الحب موت .. طهرنا تانى بالحروف
بحماك يا رب الكون نفوت .. من غير ما يملأ قلوبنا خوف
يا طه والأيام تجيب لنا الصدف
الحب عمره ما كان صُدف .. دا قدر عظيم
وأمل وشئ مكتوب على جبين البشر
نلمح ملامحك فى القمر
نسهر مع الميادين .. مفيش بيننا فراق
وننام ولكن مهما كان .. ما تنامشى نار الإشتياق
" صفينى يا رب العباد .. لاجل الولاد قلبى اقسمة
لما وصل نور الولاد .. كل العباد اتبسموا "

آه يا حبيب القلب يا أصل الأصول
نفسى سكوت الليل يقول .. غنوة محبه حنينه
وتفوت سنه بعد السنه .. يكبر فى أرواحنا الغرام
ونقول كلام .. ما حد قاله قبلنا
والنور يحب يقول لنا على كل شئ
نمشى على أظهر طريق بحنان وشوق
الناس إذا نزلت بتعلى يا (طه) فوق
" صورتك من صُغر سِنى .. شايف فيها الحبيبه
مادد إيد التمنى .. عازفك على الربابه "
" يا طه قلبى واحه .. للنور مفتوحه دايمه
أيوه القلوب تصبح وطن .. حارسه هوانا م الهوا
نفضل سوا .. مهما تدوس فوقنا الجراح
ييجى الصباح .. يلقانا لسه سهرانين
يبدر حنين فوق سطحنا .. يطرح سمك
وصل الحبيب .. فوق الكتاف شايل شبك
وانت ياقوت ؟ .. والله أغلى م الياقوت
ويفوت علينا الليل شديد الليل يفوت
نهدم خيوط العنكبوت .. ونقول .. نعيد
وادی ياميش العيد ظهر .. يا طه قبل ما يبتدى
والموج هدى .. الله على طعم النهار
ملعون طريق .. هايدوس على قلب الصغار

جاه النبي ..

" بالحب جيببت الطوب بنيت .. بالحب نهر الشوق .. سقيت

أيوه ضرورى نكون نهار .. لاجل الصفار نبنى فى بيت "

وأقول بصوت ملين شجن .. جوه الوطن :

" لو فيه دموع .. جوه الضلوع بات يا قمر

ضل الشجر .. يا حبيبى باين من بعيد

والنور ظهر .. وهمس لشمس الكون تقيد

يا شهيد على جسر الهوى .. باين ضياك

الله وكل الكون معاك .. دوس الضياع

يا بو الشراع .. مفروء على من زمن

إنت الوطن .. مهما يكون لى وطن "

وأقول كمان بدموع شجن :

" آجى إليك يا " صاحب " شایل دقة القلب الوحيد

تصبح نشيد للحب تصبح شئ جديد

أرتاح ويرتاح الهوى جوه الكيان

الفجر يصبح شمعدان والنور يزيد

يوصل قلوبنا العيد نغنى للى فات

يا أحلى أحلى الذكريات إرجع بقى

إحمينى من ليل الضباب ويا الشقا

خلى البلابل جوه روحنا تعود لأرض الزقزقه "

أرجوك يا طه تيجى .. لينا قبل الميعاد

موجك حاضن فى موجى .. غصبين عن البعاد "

يا طه شربت بحرك .. وعطشت قبل ما اشرب
لما سحرني سحرك .. ما قدرتش تاني أهرب "
ما انت هلال .. زمرد .. لؤلؤ جوه المحاره
دايما أقول باحبك .. واغزل لاجلك ستاره
يا أصل للمحبه .. والود .. والإماره
وانا هارب جوه دنيا .. قلبي فى بحورها موج
مرتاح يا حبيبي فيها .. لا دخول ولا خروج
ولا شئ معوج يضايق
ولا فيه أشباح مضايق
والبال يا طه رايق .. بالحب والتلاقي
موجود هدير فى روحى .. بيحرك اشتياقي
والباقي هو حبك .. مرسوم فوق البروج
وأقول لجسر الذكريات
" غرقان فؤادى فى لمستك .. ماشى يدق ما بين حماك
ما بيدفى غير فى شمسك .. سبحانه من وهبك ضياك "
" لما ضلام الليل ظهر .. أنا قلت لازم نحترس
لازم ولازم يا قمر .. الحب فينا ينغرس "
والليل يا (طه) يتيم يتيم .. قمره رغيغ قد القمر
إيه اللى خلى الغيم يدوس فوق السهر
ويدوس على بعض النجوم
إيه اللى خلى اليتيم يصبح ع الطريق أهرام هموم

يا (طه) ياه .. الحب فى بميت جناح
راح اللى راح .. والحب فاضل للأبد
أيوه بدوم الحب بيننا بحور موده بنتولد ..
دا " الدين شريف لاجل الولاد .. الدين عيون بنشوف بها
لسه يا (طه) فيه عباد .. شايله " الضغينه فى قلبها "
البرد كان قد اللحاف .. خلى القدم .. قد الطريق
والمسلمين فوق الضفاف .. إبنك صبح ليهم صديق "
يا شعاع حاضن حياتى .. يا شمس يا رقيقه
عيونك تمر حنه .. والجنه .. والحقيقه
واضحين فى نور حروفك
ساقية شهد لضيوفك يا ساكنه فى الضلوع
أشويلك قلبى لقمه .. لو يوم حسيتى جوع
وصانا (طه) دايم .. يبقى احنا وانتوا نفضل
زهو زوه الجموع
الدين محبه بيننا .. الدين هو الخضوع
دايم نخلى بالننا .. من كل كلمه عوجه
نفتح للحب بابنا .. ولا نركب أى موجه
كُونى عاشق ولادك .. بيكون الكون دا كُونى
وغصونى شايله توته .. مد الإيدين يا (صاحبى)
معايا فى كل حته .. علشان الكل يخرس
لو يوم يموت طريقنا .. ألمح حبيبى طاهر

وقلوبنا يا طه لسه .. صافيه زى المزاهر
لو يوم الليل هايطول .. هايملى الدنيا نورك
تخرج زهور محبه .. يا طه من زهورك
تدخل جوه القلوب
باهواك وربى عالم .. يا حبيبى بالقلوب
وانت يا شمس الذكريات
أيوه ضرورى يا غالى تروى نخلتى
تعطينى لحظة دَخلتى ع السكه مصباح الحنين
وحنان ومُهره وكلمه طاهره ونجمتين
يا ضمير شريف فى الحب يا أجمل عنين
أرجوك تداوى جرح قايد من سنين
داس الزمن .. كل اللى حاول ينحنى
داسه وداس دقاته جوه المنحنى
أرجوك تضم الروح بغنوه مُلحنه
" يا شمس إوعى تهربى .. يا ام العيون الساحره
من نهر روحى إشربى .. يا ام الخدود قمح ودره "
" الليل ضنا واحنا هنا .. ضد التذلل والخنوع
إزاي حالك يا أنا ..
أرجوك بلاش تاتى دموع
دا انا من زمان
باهرب إليك يا حبيبى من ليل السهاد

ألفاك ميلاد .. ونجوم كتيره بدون عدد
تصبح سند لى إذا احتجت السند
أرتاح على أرضك أغنى لطلعتك وقت الشروق
يا اللى هواك جوه العروق بيضمنى
الليل يطول ما يهمنى يا أغلى شئ
إرسمنى نجمه ع الطريق تصبح دليل
يحميك إلهنا من عذاب السكه والليل الطويل
" لما نادانى الحب جيت .. أرسم عشانك ميت نهار
على سكه طاهره بنيت فى بيت .. ورسمت فوق البيت فنار "
مديت إيديه الطاهره بالقلم الرصاص
وكتبت إسمك ع الورق
ورسمت جنب الإسم بيت دافى الأساس
وندهتلك .. وصلك ندايا .. فرحت جدا بالندا
والحب كان فى المبتدى
ورسمت جامع حب جنب كنيسه فوق أرض الهدى
يا طه والأيام تروح ويا الزمن
مالناش وطن غير الوطن
والناس وقلبى وفدانين القمح وتلال الورق
الله على شكل العرق فوق الجبين
لو كان عشان البلبلين .. أو للبنا
يا اللى ملامحك عصفورين حاضنين بروحهم سوسنه

وأقول وأعيد
باحب هاتحدى العواصف والدروب الضيقه
وهاقول لكنز الحب ما تفتح بقى
وان كان هايصى .. هافتحه
قلبي اللى جايلك منذ آلاف السنين
ما حد غيرك يا حبيبى يريحه
" إنت الروح الحنونه .. بتخلى الدنيا دنيا
وياك الروح أمانه .. مش عايز حاجه تانيه "
" الحب حب .. حتى .. لو كان سراب بعيد
يا حبيب .. هاتجيبلى إمتى .. مرجيحه معاها عيد "
وانت يا طه يا اللى ربك فى كتاب ناداك
وهبك حاجات غير البشر
حُسن الحنان .. لو النسيم .. صوت القمر
آه يا ورود فوق الخدود المستحيّه م الهوى
واحنا سوا بالأمنيات والذكريات
بنكون على جبل الأمانى الطاهره ضحكه تنورّه
إوعى تخلى الصمت للحرف المكابر يبدّرّه ..
جوه العواصف .. حتى حلمك يا حبيبى
سيبينى تانى أفسرّه
أيوه وقفت هناك عشان أستنظرك
خايف سنين الزحمه تانى أخرك

لكن وعدتك اكون معاك فوق الطريق
أشرف صديق .. رغم الرياح المرعبه
والذكريات المتعبه .. وأعطرك
واحميكي ياطه م الخطر
وأخذه معايا يا طه صاحب مش غريب
لو كنت ناوى ع السفر
" باصص عليك فى وسط ناس .. عارفين شعورنا وأمرنا
جامع كنيسه فى الأساس .. هما بداية نصر جاى
" آدى الذهب ولا لى شئ .. غير (صاحب) أغلى المخلصين
أبو القمر هادى رقيق فى ضياه .. لمحت الدبلتين
وأقول وأرجع أعيد بشوق
الحب هرم بيعلى .. بإيدينا فوق .. لفوق
طعم الأيام بيحلى .. كل الأيام شروق
ضاعت بيننا المراره .. والصمت والفروق
فوق السكه الطويله .. صبحنا قلب واحد
لا فينا حد جامح .. ولا قلب فينا جاحد
ولا نسمة مش رقيقه .. ولا كلمه فيها طوق
ويا (صاحبى) هناك أنا .. وهناك ويايا إنت
شباك وسوسنه .. وزهور فى كل حته
وديك فرعونى واقف .. بيستعد يدن
أحزن .. تداوى فى .. يا حبيبى سنتى سنتى

ويشقق الصباح .. وتزقق الطيور
وتصلح الشراع .. لو يوم تميل سفينتي
" يا طبيب الروح يا طاهر .. يا هديه م الإله
جايب كل المزاهر
يا حبيبي للحياه "
الليل طويل ما تيجي .. نهرب من الزحام
طال الفراق على .. والغربه والآلام "
يا طه آه .. إنت السحاب وانت الشرف
قلبي ارتجف م الريح ونور عيني انطرف
والحزن صافى صحيح لكنه ما زال يا طه " داخلي "
آدى الطريق وهلال صليب .. يا عيون جميله كملى
آه أجلى وقت العتاب .. يمكن لوحده يتنسى
يا عيون جميله اتحملى
ولا لى غيرك فى الحياه بعد الإله .. يا دنيتى
تدبل مزاهر سكتى .. تصبح نخيل
وكلام جميل .. بيرد روحى يكون قمر
حاميانا من ليل الخطر .. بكره ليالى النور تعود
لسه الطريق مليان سدود
لسه الجنانين يا حبيبي القلب محتاجه ورود
" أعزفك عزف فردى .. فوق أوتار الحياه
يا طه بى عدى .. يا هدية الإله "

" قلبك دا بحر هادر .. يا جيش مليان عواطف
قادر وألف قادر .. ع الريح و ع العواصف "
واقول لصاحبى دايمًا
يا حبيبى وانت غالى .. وانت سر الحياه
راسمك فوق الليالى .. مشاعل للى تاه
صورتك فى كل حته .. تندهنى لو أتوه
فى الشارع .. فى المحطه .. فى أجمل الوجود "
وانت يا طه يا أحلى حاجه فى الحياه
لما ظهر قمرك فى ليلى إنتشيت
غنيت عشائك غنوه .. غير كل الأغانى صاحبه
لا النور (خبا)
ولا ضلمه جوه الزحمه داست ع القدم
سيبنا بقى يا طه من سكك العدم
عايزين بقى .. نبدأ فى رحله جديده فوق شط النغم
لو يوم ينادى علىّ (فرح عطا الله) أقول نعم
ما انا من زمان
حبك عشم فى الله .. عمار فى الدار .. غُلا
نخله بتعطى بلحها لولاد الخلا
عُقدّه لابد نحلها يا طه بحروف الهدوء
حبك عجيب و عمار وعيش وعبير شروق
إعطى نجوم النور لعابر ع السبيل

جاه النبي ..

يا عين يا ليل .. عيب الطريق هايزول ونرضى بالقليل
ادخل عنيك الطيبه .. زهرة كاكاو وقرنفله
وياك .. وجوه هواك .. نحل المسأله
وافهم زوايا المشكله
أيوه نجحنا يا طه فى كل امتحان
وظلعنا بالفوز العظيم .. مسلم مسيحي يا طه يا شلال حنان
الله على صوت الجرس ويا الأذان لو فيه إيمان
إحنا صبحنا خلاص نجاه ونعم .. وندهة حب دافيه منعمه
نجمة أمانى وحب واصله قلوبنا لنجوم السما
إنت نماء بالفصحى .. بلُغتنا (نما)
يا ابو الشفايف ليل نهار متبسمه
علشان تخلص الليله بالحب الحلال متنسمه
لما ابتسمت ابتسمت كل الحياه
حسيت بأن الله معانا فى كل خطوه م السفر
الله على جبل الرضا .. والراحه واللقمه الحلال
الله على الحب الجميل
لما يكون أعظم دليل .. وتكون حروفه إبتهاال
الله على أجمل آمال .. لو جانا يوم واتحققت
الله على شمس الغرام لو شقشقت
الله عليك يا طه فى توب المحبه والعفاف
الله على نخلة هوانا بتبتسم فوق الضفاف
ورجعنا ليك .. وكأن قلب الكل سايبك من دقيقه يا وليف

ورجعنا .. كان ضوء القمر راسم رغيف
والشمس همس في ملمحك
ورجعنا ليك .. والقلب كان حاسس بأنه في الميدان هايرحك
يا حبيبي ما أحلى الرجوع للجنة .. جنة حبنا
إحنا تعبنا م البعاد .. وتعبنا جدا قلبنا
يا شمعدان الراحه يا أصل الأصول
وياك بقول .. لكن وانا ويا الغريب
ما اقدرش أبدا يوم أقول
" أوهب عنيك حتى الضيا .. يا بدر جوه الروح طيب
حققت لى الأمنيه .. وبقيت حبيبي يا حبيب
يا اللى انت طول عمرك هنا قلب الصفا
وشطوط وفا .. وبحور دفا
وأمان وحب وزلزله
نسمه بتبحث عن ونيس .. يداويها فى قلب الخلا
يا اللى الطهاره الطاهره باينه فى نظرتك
ساجده مع العاشقين على شطوط الصلا
صداح أنا .. رغم الضنا على نخلتك
ورغيف بلون الحب حاضن فى الجيوب
وحنان وبسمه بريئه خضره ع الدروب
وأغانى جوه النيل ورعشه وصهلله
وحروف بتنده لينا .. تهمس يا هلا
" قلبى اللى داس فوق الملل ..

أصبح كلام مليون صدى
فى طريق (صديق) رسم القتل .. مليانه من نهر الندى "
وانت يا طه يا حبيب .. أيوه صبرت وكان طريق الحب ليل
صبار على كل الشطوط .. أصبح سكوت
هازز فى طفل يتيم ما زال عايش عليك
نورك ما زال تحت المطر رغم السيول
بالطو بيعمى ضلوعنا سكه للخيل
صفره الحياه .. من غير عنيك المفتوحين ..
واحة محبه ورمشهم .. هو يا نور عيني السلاح
يحميك إله الكون يا طه م الرياح .. من ليل شحيح
يحميك إله الكون ويديك النجاه
ويخلى ليل الكون فسيح
ويخلى إبنك فى الحياه .. صافى .. فصيح
ما انت الصديق .. صابر على غدر الرياح
صادق معانا فى العهود .. عازف على وتر السماح
غازله فى شال الحب مهما الليل يطول
وبتبقى لى شراع على شط النجاه
إنت صراحه مريحه فوق جبل الحنان
عمرک ما كنت سكوت ولا .. يا حبيبي أول حرف فيه
البدر كنت شعاع عنيه .. هات الصباح
واحمي الودود يا طه من كلمة جراح
" يا قلبى دوست الليل وجيت .. زارع فى نيلى دفتين

جاه النبي ..

صعبان علىّ انك شقيت .. ورجعت عامل مش حزين "

" لما صدمنى ألف شئ .. فى الغربه ضاعت مُهرتى

واما لمحت هناك صديق .. رجعت لقلبي دقتى "

ورجعت زى جناح على طائر حزين

م الغربه وسنين الشقا

ورجعت ليكى عشان أقول .. يا ريت هوانا يعود بقى

ورجعت لى جناح بريش أخضر رقيق

أصبحت للمختار طريق مليون نسيم

قلبك يا طه يا رسول أخضر كريم

أيوه وهبنا الحب صافى بدون حدود

وزرع فى روح الروح ورود

واما ابتعدت فى يوم حلف .. لازم أعود

" لسه الزهور الطاهره .. حاضنه جسورنا الضيقه

بهواك قلوبنا عامره .. كارهه سكوت الشرنقه "

وتحب فى محبتى .. ليك يا حبيبى يا قمر

وان طال على قلبي السهر .. يوهب نجوم

تطفى الهموم يا حبيبى من قلب الحياه

الله عليك يا حبيبى وشرع حنين

الله عليك يا طه نور الذكريات

العمر جتى ان فات .. بيرجع بيبتدى

عمر الطريق كانلك صديق

عمر الفؤاد وياك يا طه ما تاه

جاه النبي ..

دا احنا رسمنا فروع عشان السكه فوق شجر الضيا
دا لأن زهر الحب شرع الأنبيا والمخلصين
ياما ناديت يا رسولنا لما سافرنا يوم
ومفیش هموم ویاکی یا طه ومفیش غيوم
ومفیش یا طه غیر صاحبك ساكنه فی قلب الضلوع
لو فيه على خدودهم دموع
نصبح مناديل اللقا
لو فيه شقا .. نصبح سفاین طيبه
الله على شكل الشراع .. ساعة ما يحضن مركبه
" الحب جوه دَمِك .. يا طه سيمفونيه
قلبی يخرج یضمك .. يا واحه ربانيه "
" صابرہ والصبر فايض .. يا دنية الأمانی
عصفور فی القلب بايض .. بالود والأغانی
والشوق نجوم فی عنیكى لینا بدون عدد
وبدون ضلام .. الشوق نظام
دخل الغرام فی القلب خلی الليل ینام
أيوه ندهت كتير وجوه الروح حنین
إنت سمعتی یاطه نوحی
وسألتنی : إنت یا غالی مین ؟
أنا المسلم فلان
وانا وانتی متعاهدين نصلی كلما ..
دق الهوى فوق بابنا .. باس ضل الهدوم
مليون نعم یا نجوم آمال

دفينى لو حان السفر والإرتحال
وخدينى جنبك .. ضمدينى يا نجوم
خلينى أهجر فى الهموم يا جبال حلال
خلى صديقى على الطريق ..
يا طه بس يكون معاه سيدنا بلال
" طه .. ماليش غيرك هنا .. أيوه ماليش غيرك هناك
غيمه رقيقه حنينه .. لمست رموشنا يا ملاك "
" إنت غزاره فى الشعور .. وغزاره حتى فى السحاب
نايم (يا قوتك) فى البحور .. أكل النبق محتاج صعب
كامن فى قلبى الحب ليك يا طه م العهد القديم
خلى القدم .. تصبح على السكه الجريحه ميت قدم
قول للجميع بحروف الحكيم
خلوى الهوى واحنا سوا يصبح دوا
خلوا الحمال يا صحبه فى المظهر بيان
خلوا الحلال ويا الكمال فى المحتوى
حاضر يا طه يا أمين
لما ضلام الفرقه جاتى فى يوم حزين
وهمسلى إن الدين بيهدم قلت مش ممكن يكون
وساعتها قمت جريت عليك يا شمسنا
شفتك فى قلب الصوره ضى ملاك جميل
حاضن عشانى بنفسجه
شفتك وانا جنبك نجا .. من كل حاجه مؤلمه
شفتك نجوم كل السما

جاه النبي ..

وهمست بالصوت الحزين : " إنزل بقى يا بدر من نص السما
لاجل القلوب المغرمه

سكك المحبه مغيمه .. من غير عنيك الحالمة
يا حبيبى والعالم سكون

البُعد عن بيت الحبيب الدافى بيساوى جنون
وانا فى هوى المحبوب .. أكون .. أو لا أكون
إغزل بقى شال المحبه للحبيب المنتظر
الليله هاهل القمر

وهاصبح الأيام ريحان وقرنفله
الحب لو مخلص بياخذ صاحبه دايمًا للعلا
الحب أول سطر فى كتاب الصلا "
ويا طه ما اقدرش اقول ..

على (صاحبى) غير إنه حبيب
لو يلمس الأيام تطيب
لو يلمس الأحلام تجيب أحلام كثير
أجمل ما فيك يا طه يا حُسن الوجود
هو المبادئ والقيم .. هو الضمير
وباحب فيك .. كل الخصال مهما جرى
أثبت لنا طه الحبيب الغالى
إن الأرض لو مزروعه خير

بتكون بفضل الله (٢٠٠) مليون قيراط
وهمس لناوالصوت رقيق : " مين اللى قال السقامات
السقامات بحور بخور وزهور وحنطه وذكريات

جاه النبي ..

آه با جبال الأمنيات يا أرض يا أم التوب نبات
شوفناكى فى القرآن غيطان .. مزروعه حنه وسنبله
صوره بنتهجاها نسمة فى كل مشوار الخلا
يا اللى انتى من بدء الوجود جوه الحياه ..
راسمه على الجسم الشريف الصافى شال
يصلح يكون للمسلمين يا طه سجادة صلا
واحنا يا طه قولنا مش ممكن تفرق بيننا نار أو مشكله
ولا فيه خلاف .. ولا مسأله
بيننا التوافق والغرام والحب .. روحك مش غريبه عننا
يا اللى انت بتخلّى جراح القلب فى (سورتك) تطيب
وتجيب لروحنا قرنقله
نده عليكيا حبيبى .. ييجى الرد منك : (يا هلا)
يا ابو العبايه إلهى .. جاهى هواك .. قلبى فى كل سوره
بيحضنك
يزعل إذا شاف الضلالى بيحزنك
بهجوم خنازيرى النفس
يا اللى فؤادى مسكنك
يا اللى فؤادى بيسكنك
وبيشرب الميه الحلال من قلنتك
وبيرشق الغصن النضيف فى فُلتك
فى جيوبه قبل ما يبتدى رحلة رحيل
ال جعلنى أصيل .. دخلنى بنور جميل فمشيت وراه

جاه النبي ..

إسم القمر .. هو اللى حب الله وخلق الضى يخرج من ضياه
ساعة ما بشرنا المسيح بالمصطفى .. خرج الدفا والنيل خرج
يا طه بتلال السمك
قبل البشاره زمان زمان .. كان الشبك .. دايمًا بيحضن فى الرماد
غرز السهاد بسيوفه روحنا بدون ضمير
وجرحنا فى يوم الخروج
وقاومنا نار الموج .. قاومنا بدون تعب
يسلم لنا طه ورسولنا جبال أدب
تيسلم لنا ومصحف صراطه مستقيم من غير ضلال
يسلم لنا شلال بيروى الأرض بالعرق الحلال .. وتلال دقيق
جوه عنيك يا طه شلال البريق
مركب ما زالت بصه ع الرب الكبير
ونسيم حرير .. بينادى ع الرب المجيد
نسمايه فى زمن الهجير
شمسايه فى اليوم المطير
وكلام يخلق الصمت ينطق بالنغم
لما ناديت بالقلب والروح اللى عاشقه ملمحك
رديت ياطه يا حبيب : " مليون نعم "
كنت النعم .. كونتى الستاره القايد نور
كنت الزهور على كل سور
عصفور كناريا رقيق بيتحدى الرياح
راسم كلام الله نجوم فوق الجناح

ييجى الصباح .. يلقي الحديث ع الكون صباح
إن باح .. ييوح بالقصه .. قصة طه الطه .. يقولها بكبرياء
الله بنوره اللي ابتدى ..
خلاك فى قلب الكون شמוש مالهاش عدد
خلاك عشان الناس سند .. وإيمان جبل
زهرة أمل وضمير وحب وأمنيه
أصل العطاء يا طه طبع الأنبيا
يا ابو العبايه مرايه فوق السكه .. بانته نجمه للقلب الشريد
يا ابو الهدايه حمايه للقلب اللي عايز ..
كل يوم يلبس جديد
يا عيد .. يساوى ألف عيد
زارع فى قلب الإيد جناين زعفران
إنت رموشك سيسبان
والله يا قمر الزمان
لو كنت أقدر أجيب إليك العمر شمس بألف لون
والله كنت هاجيب إليك العمر شمس بألف لون
وأسيب حياتى زتون على أرضك ولحن رقيق حنون
واسقى عصافيرك ندى
واترجى ريشة الحب ترسم ملمحك ..
على كل سنتى فى قلبى .. فوق السكه دايمًا ألمحك
باستسمحك .. أكتب عليك يا طه
ميت مليون قصيدة حب .. خضره بدون حروف

واقدر أشوف .. وأطوف..أزورك فى المنام
واهديك من القلب السلام
تنزل دموعى كالسيول
وأقول عليك مهما أقول
ما اقدرشى لحظه أوصفك
يا اللى إلهك أنصفك
يا اللى كتابنا شرفك .. بالآيه بنردها ليل ونهار بشوق
يا اللى انت لسه فى قلبنا .. النور وأغصان السلام
وان يوم يطول الليل .. تكون فوق الوجود بدر التمام
مش قادر اوصل للختام
أصل الكلام يا طه أكبر م الكلام
ويمام طريقك فوق سطوح المدنہ باض
قرآن شريف بالضى فاض .. ويا الرسول
على كل سنتى من أراضى مقدسه
والفرح عاد للقلب .. خلى الخطوه تتحول بلاد
وصبحت نجمه للغريب .. فاتحه فى بابہ من جديد
وصبحت جوه الدنيا عيد .. بيبوس خدود إنسان وحيد
ومليت حياتنا بالجرس
قولك صبح جوه الميدان لينا حرس
ساعة صلاتنا للاله
مات فى الميدان شبح الخرس .. وهتفنا بالصوت اللى جلجل
فى الفضا

ورفعنا إيدنا للسماء
يا ابو الملامح مُلهمه
يا ابو الملامح مُلهمه
أوقات كثير يا طه دوسنا الهمهمه
حاولوا يدوسوا حياتنا بسيوف الخصام والليل بناره .. إنما ..
دقيت على باب الميدان .. وفتحنا لك ضينا
وسمحنا لك تدخل .. قلوبنا المتعبه
نصبح فى لحظه مقدافين فى مركبه
وسمعنا صوتك رده مليون ملاك
يا نسيم على الشباك يا نجمه فزدقى
من مغربى .. إلى مشرقى ..
كنت الأمان والحب .. قصر بألف باب
سلمت ع الأحباب فى ليله
نفسى أصلى ركعتين
فى الأقصى بعد الليل ما يهرب للأبد
من ليل أراضى مقدسه
أوصل صباحى بالمسا
يا طه يا قمر النفوس المخلصه
يا شمسه باينه للى تاه
يا شراع شريف قبل الغرق بان للحياه
وحضن فى دفة مركبى
يا حقيقه فى هذا الزمان اللولبى

يا هديه من أجل الصبيه والصبي
آه يا منايا ومطلبى مليون سنه
أحاسيس بريئه حنيه
وعيون رقيقه مؤمنه
وإيدين نضيفه .. شريفه .. قومی لكل ناسك طبطبی
كانت (بشاره) عظيمه من عيسى النبی
فكت قيود الدنيا لينا أصبحت أعظم معين
واما ظهر بعد البشاره رسول أمين
داوى القلوب الصابره من كل الجراح .. أصبح شفا
أصبح حبيبنا المصطفى .. هو ختام الأنبيا
يا ابو الوداد والحب .. يا أغلى القلوب المخلصه
قلبي بيدعيلك هنا صبح ومسا
يا اللى انت فى الإخلاص نجوم مالهاش من عدد
وعلى طريق الدنيا أشرف مدرسه
يا اللى بنيت قصر العطاء .. بأساس متين
ورجعت بينا للصفاء
آه يا الحبيب المصطفى الهادى الأمين
للب وحده الإحناء وانا من زمان
ما اقدرش اغنى بشعرى إلا للضياء
الضلمه داست فوقنا حاولت تحتوينا جرينا فورا للحبيب
كانت عنيك الواحه مصباح البراح
طابت جراح .. بس الديابه الفاجره حاولوا يزرعوا بيننا جراح

واتحدوا فى شرع الإله يا بحور حنين
إسقيننا من نهرك حنانك (زمزى)
إهمسلى لأرض الحب .. لينا تسلمى
الراحة الإنسان .. ورمز العطف فى زمن الجفاف
راسمين ملامحك ع الضفاف
قاسمين رغيف الصبر دافى ع الولاد
يا شمس طاهره للميلاد
يا جسر طاهر للأراضى المصطافيه بدون ميعاد
إحنا وصلنا يا طه لنجوم السما
يا عيون جميله ملهمه .. وأمان لكل المجروحين
يا اللى ضياك فى الليل حارسنا تملى من شوك الدروب
يداريننا من سيف الغروب
وياخدنا جنبك لاجل نعزف من جديد
نقدر نجيب العيد .. بفضلك .. بعد فضل الله يا قايدة شمعنا
نشقنا بعد الآيه يا طه اللى شافنا دمعا
لكن لقينا لسه ع الهدمه دموع
بتنادى لسه ع الربيع
يا كلمه مش ممكن تضيع .. مهما يضيع كل البشر
إنت السحاب .. وانت القمر
وانت اللى خلّيت السكوت .. يصبح شجر
والضلمه تتحول عنين جوه البلاد
يا نهر حب عشاننا فاض

عاد المغنى عشان يغنى للهلل ويا الصليب
عشان يغنى الحبيب

عاد المغنى بالحروف والأمنيات
من بعد ما ساد السكات .. عاد الكلام
طه يا أرض الابتسام .. فى عهد دايس كل شئ
إنت عشان الدينا ميت مليون صديق ..
غازل عشاننا شال حرير
ساقى أراضى الدنيا من نيل الحلال
ويا بلال الفجر ساد صوت الأذان
صحى فى كل الغفلانين
يا ساقيه فى خيولنا اللى تاهت قبل حتى ما يبتسم
يا هلال محبه بيت رسم .. على كل سنتى م الضلوع
الله حمانا م الخضوع .. من أى حاجه تهزنا
فى النهر نازل لاجل يتوضى براحته وزنا
لكنهم فجأه داسوه
الكفر فوق بعض الوجوه .. بتدوس علينا بليل شديد
والكل مستنى الجديد
والعيد خلاص .. حالف ما يبقى تانى عيد
غير لما إيد الحب تدفى فى حضن إيد
يا سحابه فوق بوابه .. جايبه مطر حرير
خلى الحروف تصبح هدير فوق الورق
قلب الجميع فى الليل غرق

لكن مراكب روحنا رجعت بالنهار
ومعها أزهار الحروف
أيوه الخلاف كان بحر خوف
لكن يا طه رجعنا واتحدينا فى كل الظروف
وقدرنا من تانى نشوف
يا طه يا أبو القلب زى النور عطوف
لما بحاول أكتبك .. قلمى بيشعر بالكسوف
دا لأنك انت جبال ياقوت .. وتلال ذهب
دا لأنك انت النجمه فى أرض الأدب
دا لأنى عاشق حسنك المرسوم بريشه معجزه
دا لأنك انت الحب .. يا طه عند المسلمين
طير الإيمان اللى انطلق ..
برساله فيها بشاره .. فيها كل شئ
دا لأنك انت طريق لعالم كله نور
وزهور على كتف الجبل
يا طه .. يا أعظم أمل
خليت جميع الكون يغنى لطلعتك ولرعشتك ..
ساعة خروج الوحي م الغار الشريف
ظهرت كل شوارع الدنيا الرقيقه بالعيون الطيبه
بدر الصبا والحسن .. سيد الكل .. قنديل العطا
شالك يا طه كان غطا .. لوليد نضيف

قسم الرغيف بينه وبين .. كل العطاشه ع الدروب
دخل القلوب المؤمنه .. سحر القلوب
برساله من عند الإله
يا طه .. يا سر الحياه
كل اللى تاه فى السكه عاد.. وصبحنا واحد ع الدروب
كل القلوب .. حاضنه القلوب
ولا يوم يا طه هاتوب عن الحب الحلال
دايس على نار الضلال
وزارع فى نغناع السلام .. فى كل حته م البلد
صبح الحديث للناس سند
إنجيل بيهدى جموع كتيره بدون عدد
ونخيل بيحرس فى السكك
يا طه يازهر الربيع
حبك فى أرواح الجميع
جيببت الربيع للدنيا .. بان فى السكه زهره معطره
ولا يوم هانمشى للورا .. أبدا ولا نقدر نضيع
كان الرسول لله مطيع .. لله صديق
رسم الطريق للمؤمنين
رسم الطريق بالحب ميت مليون طريق
صبح عشاننا دروب مدينه إسلاميه من زمن
وصبحت لأروحننا وطن ..

جاه النبي ..

وشموع بتضوى فى ضلام السكه و عيون الطريق
أصبح صديق للسانلين
وبحور حنين للمغرمين
وحنان ييملى الكون دفا
أول رساله للحبيب المصطفى
يا طه الطه البتول
بنبص لعنيك الرقيقه نشوف جناين فضه ..
يتوضى اليمام الدافى بحورك يعوم
ننسى الهموم مع بصتك
مع قصتك نرتاح من الهم الثقيل
نشرب فى نعناع التسامح والتآخى والمحبه الفزدقى
ترجع نقول للشمس تانى شفشقى
ليمامة الحب الرقيقه زقزقى
للمهره فوقها جيل جديد .. عاشق فى نورك .
قال لخطوات المحبه . إسبقى
دايما لنا تتشوقى
دا لأننا من أرض واحده بدون حدود
نفس الآباء .. نفس الجدود
نفس الملامح والطيايه والقلوب
نفس النخيل فوق الدروب
مين اللى يقدر يوم يتوب .. عن حب توأم روحه فى الزمن الجميل

جاه النبي ..

نفس المبادئ والقيم .. نفس الطريق المستحيل
وما زلنا يا طه بروحنا بنسمعك .. وانت بتهمس للقلوب
" قول للجموع على كل شئ

الله على أظهر لسان

الله على أكبر بيان

الله على القرآن فى ذكره لكل حاجه يارسول

يا اللى انت كونت بمبدئك .. روحك .. قويه بألف روح

ونروح ونيجى نلاقى صورتك نايمه فى جيوب الجموع

ونلاقى أهلك كلهم .. قايدين فى قلب الليل شموع

وبذكروك فى كل حين

واحنا يا طه المسلمين

شايلين ملامحك فى القلوب المؤمنه

النظره .. نظره حنيه

والتوب على عودك (زبرجد) لون خضار غيط الصفا

والخد .. فدان الدفا

الحسن طاغى بدون حدود وبدون حساب

نفتح عليك الباب فتهمس: أدخلوا ..

تفضلوا .. شرفتوا بيتى ومطرحى

نفضل معاك ياطه دا لحد الرجوع من منزلك

الطاغى حاول يعزلك ..

بس الصحاب يا حبيبى داسوا عليه
ودافعوا عن رسولهم كلهم
نهرك بيروى فُلهم
بيرعش نسمة الشباك ويتحدى رياح الثرثره
ورده فى كل جيوبنا .. صوره مقدسه
حبينا فيك يا طه حب اللهو حب المؤمنين
وعجوز أمام سورتك بكى
كان الوجود فرحان فى ليلة مولدك
يوم مولد (السيد) يا أم المعجزات
عايش ما بيننا يا طه بتبارك خطانا فى كل خطوه مقدسه
يا نبع هلال الكرامه والكرم
يا رغيغ ضيا للى انحرم
واللى انحرم بيننا كتير
إحساس بحال الناس .. قيم .. إخلاص .. ضمير
والنظره .. نظره لبكره .. ضىّ عنيك ياسيد الكل بان
قرآن يا طه خلدك
وبيسعدك .. حب الجميع ليك ولهفتهم عليك ليل أونهار
الأرض مش ممكن تصاب بالإنهيار
طول ما احنا فيها كلنا
بنحبها .. وتحبنا

ويدق فيها قلبنا
ويا الأذان .. ويا الجرس
الكل راكب ع الفرس
حرس الكنيسه والجوامع والبيوت
الليل لا يمكن يوم يفوت على حينا
الدين محبه .. مفيش توافق زينا
ومفيش ما بيننا يا طه غير صوت الوفاق
مابقاش فراق .. يقدر يفرق جمعنا
فى الفرحة .. قسمنا يا طه شمعنا
فى الحزن .. خلطوا دمعنا مع دمعنا
وعجننا للثوره رغيـف
إنسان شريف وياه شريف
وجموع ما تعرف فيها مسلم من مسيحي ونور عفيف
وطريق نضيف بيضمنا
الأب هو الشيخ وهو أبونا .. هما كل شئ
والأم نفس الأم هو أمنا
ويا طه زيت قنديك القايد إذا احتاج الزيوت
دمى هايصبح لاجله زيت
والبيت دا بيت الله وروحنا مؤمنه
البيت دا بيت الله نحافظ ع الشرف

جاه النبي ..

وندوس على غول القرف والكبت والصوت اللعين
ونكون وفاق زائر وفاق
نلعن جدود الإحناء .. لو كان لغير الرب .. نسعى لقربنا
الله ما زال بيحبنا
وملايكه بالملايين فى كل دقيقه ماشيه جنبنا
تنبض قلوبنا بشوق .. ما نعرف قلبنا من قلبنا
وتدق ساعة الصفر نخرج من بيوتنا كلنا شلال حنين
جامع .. كنيسه مرسومين فوق العُمم
لو فيه جريح .. بنشاركه فى طعم الألم
لو فيه شهيد .. بنلفه فى قماش العلم
ونأدى شرع الله يا طه .. نبقى للأُم الحبيبه الطيبه أكبر خدم
الله .. خلاص صبح المكان غالى وخالى من الزعيق
طه يا فاتح فى الببيان .. بيك الغريب أصبح صديق
على كل أعتاب الحياه .. يا طه آه أستنظرك
أعلى معاك .. وأعطرك
من نهري يا نهر الحياه
ألقا كفى قلب الصوره نجمة صبر للقلب اللى تاه
تقوللى إن الحب أول رجفه فى بدء الصلاه
مع إنك انتى بداية النور الإلهى ومنتهاه
وانت التسامح والحنين اللى ابتدى
الورد لو هاتغيب عليه يحتاج ندى

والقلب بعد الصمت مستنى الندى
والمنتهى .. والمبتدى .. إنت يا نسمة حينه
وتفوت سنه بعد السنه .. تملئ لىالى الدنيا ضوء
نقراك ونتهجاك ياطه الحب من بعد الوضوء
والفجر يخرج لنا من نظرة عينك المخلصه
صبح ومسا يا طه هايم فى اللىالى الطاهره .. باتهجو الغرام
الله على الأيام إذا .. جعلت نفوسنا معززه ومكرمه
يا نجمه حاضنه فى السما .. زى اللىالى طيبه
نامت يمامة عطف صافى بين إيديك فهمست ليها " مرحبا "
وبحثت عن كنز الكنوز .. ولقيته متغضى هناك
برموش عينك المركبه
يا طه صار الحب بيننا ربيع وزهر بدون حدود
زرع الشجر جوانا .. خلى الخير فى روحنا طريق ورود
وعبير ماوردى إلهى باين ع الخدود
كنت الوفى
للشمس قلت يا شمس آدى وردنا
يا ريت عشان الكل تصحى وتقطفى
علشان زهور الدنيا ع الدنيا تسود
آه يا فروع فوقها مطر
دوسى على شوك الخداع
خلى سحابك ينهمر
يزرع فى موج الليل شراع

وانتى يا طه يا رسول
إسقينى من بحر الأصول .. كل الأمانى الطيبه
كون فى بحورى مركبه .. بتنادى ع الشط البعيد
خلى طريق الحب عيد .. ما انت بشعاع ملاك
لو ابص م الشباك ألقى شمسك مع همستك
بتظمن القلب الشريد لو كان وحيد
يا اللى بهواك خلانى فوق
جيتلك يا حبيبى يا قمر
طلعت فى لحظه " كناريتك " فوق الشجر
خلت عيون الحب تانى تبتسم
خلت جبال الود بين كل الحبيبايب تنقسم .. تصبح بيوت
الله عليك يا نظره بتدوس السكوت
الى عليك وانت ما بين كل البشر
بتهز بالإيد الرقيقه فرع توت
أيوه الخلود اللى خلق
لينا الفؤاد مخلص رقيق
راسم بنات لابسه حلق
واخواتها ماشيه ع الطريق
يا اللى انت بين الناس كلام أخضر رقيق زارع حكم
ببنى وبين مليون خلاف .. إنتى الحكم
أيوه الكمال لله .. يا غنوة حب حلوه مهفهفه
آه يا كرامه وزهر فى زهرة دفا

إحمينى من كل الرياح المزعجه
إدينى جوه البحر طيف لبنفسجه
دا احنا يا طه يا بسمه جوه الأنسجه
فى لحظه واحده قلبنا .. بيدق فوق جسر الحياه
يصبح سفينه للغريق وطريق صديق لاجل اللى تاه
واغرق فى آه .. لو يوم حديث الحب فارق دنيتى
أعتر فى ضلمة خطوتى
لكن إذا بصيت لضى عنيك فى يوم
أنسى الهموم .. والقلب بيحقق مناه
دا انا وانت فى الأول وفى الآخر بشر
وطوفان مشاعر إنسانيه وضوء قمر
القرب بيفرح قلوبنا يارسول
والبعد بيسهرنا فوق شط الخطر
ومفيش سهر .. من غير حديثك يا حبيب ..
آه مات السهر
دا احنا هنا تحت المطر
بيننا نجوم مالهاش أمانى مزيفه
بيننا دفا .. وحنان ماوردى ومعرفه
بيننا حدود الله .. يا شريان الحلال
بيننا المعانى كلها قايده ابتهاج
يا سكة الكرم الشريف المشرقه
يا مصطفى

قلبي يدق على بيبائك تقبله
بيننا ليالى العشره وسنين اللقا
قلبك يا طه يا سيدنا الرسول ما أجمله
عمره ما خدنى لسكه غامقه ضيقه
عاشق همس ليلك
أنا شمعہ جوہ ليلك .. يا ست الكل والعه
آجی بتاجی آجی
بنهرى وكل موجى .. فى قطر الساعه تسعه
كاره شكل النيون .. رافض طعم السكون
وأكون أو لا أكون
بعد الأذان يا طه .. أفتحك بواباتى
تظهر للناس راياتى
واهمس لعنك دايمًا .. فى عنيه الطاهره باتى
بالحب والحلال .. فى الزحمه والسكون
الله على العيون .. لو تنطق بالمحبه
إحنا دايمًا أحبه .. والحب لسه غالى
كان جنبى فى المسيره .. بحب شريف مثالى
والإيد فى الإيد تقول .. يا طه بكره أحسن
بنحب الحب جدا
ما نسينا السوره أبدا .. يا أجمل الحروف
وانتى يا طه ياللا .. أنا هارسم ليكى فله
تخلى السكه سهله

بكره بالحب أحلى .. لو يوم نخلى بالنا
بكره الأيام هاتضحك .. ويروق يا طه حالنا
ويفوت الحب بيننا، الحب بيننا يكبر
تصبح نظرة عينا..ياسمين ونور وعنبر
وأجيك قلبي دافى..تسقينى الشهد صافى
أزرع ضفا فى حنه..وجنه عشان وليفى
وأقول بشوق
فايضة بحورى على شطوطك من زمان
فايره المياه فوق الجسور .. تحت الببيان
يا اللى انت كل الكون يا روحى بما حوى
يا اللى انت للقلقان دوا
يا طه يا اللى انت الأساس فى كل شئ م المحتوى
وعشان كده
إخلاص شريف .. واصل ما بين قلبى وقلبك يا حياه
فات النسيم ع القلب .. خلى الروح صلاه
فاضله العواطف بيننا .. بحر ملان هدير
حتى الفقير فى الحب يملك خير كبير
إنت همست لقلبي ياما كتير كتير
(حاسب يا روح القلب م الفخ اللى نام جوه الحرير)
يا فناره داست فى لياالى الحزن .. جابت لينا خير
الى أسرنى يا طه هى الدعوه يا أشرف ضمير
" صعب الغياب .. إوعى الغياب

يغتاب هوانا بريح غباء
غلاب هواك .. وفتحلى باب
غالى ومالى الكون غناء "
دا " البعد ليل وآلام وغول
وانت اللى غالى ع الشعور
عاشقك ولازم يوم هاقول
وازرع على صورتك زهور "
وأقول لهيب الشوق جرفنى من بعيد
لملمنى حبك .. جاب عشانى العيد شموع
لما ظهر اسمك فى ليل العاشقين المؤمنين
خلى الجموع .. تتمنى لحظه تشوف عيونك يا قمر
واما لمست القلب .. سلم ليك يا طه دفته
فى سكتة .. لمحك شמוש للعلم حاضنه فى الأدب
خرج الهوى م القلب يشبه للهب
دا احنا لا يمكن ننتهى .. داخل دهاليز القصور
إحنا اللى قولنا النور دا .. لازم يبقى نور
لما أخذنى البعد يوم .. بصيت يا طه باتدهاش
باش الجليد .. لما لمحتك نور هناك
زى الملاك .. على نسمة طايره فى السحاب
وعشان كده .. قلبى صبح للحب باب
وعشان كده .. ما اقدرش مهما كان يا طه أودعك
لو هاجى آجى .. يمكن أقدر أسمعك

وهاصون عهدنا .. أكيد .. أكيد
يافروع ريحان العيد .. يا دننيا فزدقى
إهمس لدنيا الكون بشوق
أرجوكى إوعى ما بين حبيب .. وحبيبه تانى تفرقى
قلبى يا طه معاه رعاية الله ودعوه طيبه
هايعود لنا معاه الصبا والشمعتين
والذكريات راح نفتكر فيها الحنين
ونصفى من أيامها آلام الأئين
وهاقوله [يا صاحبي الحبيب .. طمنى لو تقدر عليك
طمنى يا اللى عنيك فنار .. إزيها
يا عيون ما حدش زيها جوه الحياه
ولا حد يملك منها جوه الحياه
شمعه رقيقه للى تاه ورموش زهور
ونخيل بيتهجى الطيور..
وهاقول لنفسى اتوه
إرجع إذا خاتك طريقك فى السفر
مستنظرك .. يحميك إلهك م الخطر
لسه نداك .. فى القلب دقه بدقه باين للجميع
لسه الربيع فى عنيك جناين مفرحه
لسه المطر فى إيديك بيسقى فى الشجر]
ويا طه .. كان ضىّ الشروق .. واضح فى صورتك من بعيد
قلبك شواع حب .. حاضنه فى الوحيد

إبنك .. حبيبنا الغالى .. إبن الأمنيات
فارد شرع الذكريات .. شایل فى صوته نظرتك
ما يهمنيش .. غير إنى أحافظ يا قمر على حنتك
وعشان كده .. هاغزل عشانك ألف عيد
آجى وروح الروح فى روح
والإيد بتنعس جوه إيد [إنت الأمانى والشرف
صاحبك شهيد فى ميدان هوى
قلب اللى جالك واعترف
لسه ما زال محتاج دوا]
[لسه الشجر مكتوب عليه
شكراً يا صاحبى يا شريف
إنسان إذا شوفنا عنيه
نلقى قمر شكل الرغبة]
أوصل مدينتك يا حبيبى وجوه روحى حروف أذان
أسأل عليك الضى حاضن فى المكان
ألمح فى صورتك مهرجان وجناح رقيق
ألقى بلابل ع الطريق لون السما
تحمى صاحبك م الألم
من كل كلمه شديده غامقه مؤلمه
دا انا قلبى كان .. عش اليمام بين الفروع
الريح إذا داست عليه .. بيحن دايم يا رسول
يبعد بعيد .. فى لحظه يتمنى الرجوع

يسمع فى صوت يا حبيب الحبيب
بيقول بشوق
" إرجع يا غايب من ملايين السنين
إرجع .. خلاص خدك الحنين ..
لجزيره أبعد م النجوم .. من كل شئ
إرجع وكون مع سكتى الطاهره رقيق "
ألقانى أهه من سواقى متيمه
نجمه يتيمه فى السما
وهلال بيتهجى النزول للأرض .. يزرع سوسنه
طه .. باحبك يا أنا
وانت المنى وانتى الطلب
وانت الطلب وانتى المنى
شوفتك وانا ماشى وبدر الحب فوقى بيتسم
والشمس بيننا تنقسم .. والدنيا صبحت دبلتين
يا قلب جوه الصوره دقاته حنين
والله بكره الدنيا تضحك من جديد
بكره الليالى تبقى عيد وقت اللقا
يا اللى الحياه .. من غير لقانا ضيقه
يا اللى انتى بتضمينى لو بانى جراحي فى العيون
أو زاد فى يوم .. شوك التعب فوق الدروب
عمرى فى يوم أبدا ما قلت لحد خون
يا مهرجان الحب .. يا قمة جمال كل القلوب

" الضل بايس فى الشجر
يا اللى انتى جوه الليل نجوم
جامع .. كنيسه .. ضوء قمر
إسقينى لاجل نقوم .. يدوم "
والليل نغم .. سييب النغم ..
يدخل فى قلب الدنيا لاجل ما يسعده
بنعيمه يقدر يبعده .. عن كل لحظه متعبه
ناعم شراعى يا حبيبى يا طه فوق المركبه
نادر فى عالم (فظ) فاقد ملمحه
أرجوكى خلى القلب يسمح .. لو فى يوم أستسمحه
ينده علىّ مع الحبيب ..
لو كان طريقى صبح غلط أو كان قزاز
يحمينى من سيف الرياح والإهتراز
الله يا طه نخيلنا طالع للفضا .. لامس نجومنا الساهره
ناده علينا بدون ميعاد
لو يوم لمحننا فى سكه غامقه ممرره
يرقيننا لو شاف الطريق .. واخذ خطانا فى يوم ورا
واحنا يا طه مستحيل أبدا نضيع ..
ويا المتاهه والنجوم الدبلانين
فى طريق خديعه وكُره قايد جوه قلب الشمتانين
آه يا حبيبى يا شمس فيها سواقى خير
فى عنيك نخل الكبرياء

ومحبه واضحه ونور ضمير
غنوه فى قلب الصمت تتحدى السكون
ورغيف وشاى لاجل الغريب
وايمان فى قلب الروضه .. جوه مساجد البلد الأمين
" أجمل شروط : تخلص .. تعيش
يا نسمة فى هدوم الولاد
يا شمعه قادره تقيد لحين
يا فرحه جايّه فى الميعاد " |
" إلغى الخصام يا دنيتى
من كل أوراق الوجود
شده ويكره يا بسمتى
هاتزول مع ريحة الورود "
وأروح يا طه بس اعود .. جايب زهور جوه الجيوب
إزى حالك يا منى فى الشروق ويا الغروب
يا سر دقات القلوب .. يا عمرنا
الحب هو حياتنا .. هو أمرنا
واللى انكتب فوق الجبين .. لازم يكون
يا أغلى عون للدنيا لو تحتاج لعون
المسلم الحقانى ويا أخوه شنوده يكون حنون
" قلبك يا طه بوصله
واصله كل الطريق
فى كلامى .. إنت فصله

فى آلامى روح صديق "
" إنت بستان بريحه
مريح مليح فسيح
أكبر من المساحه
صوتك جواه فصيح "
روحك بذورها تطرح
تخلى القلب يفرح
صوتك بستان وطفله
عايزه م الدنيا دبله
خارجة م الدنيا لابسه .. فستان فى النسمه نتسرح
ويسعد الحزين .. يصبح شلال حنين
يدوس الكدابين ويبوس اللى صدق
يا طه يا حبيبى .. هاتفوز جوه السبق
" وياك دايمآ آه أنادى
على كل شئ ما جاش
إنتى زهرة بلادى
بلاش خصام بلاش
" غطينى بشال إلهى
خلىنى يا طه جنبك
حبك يا حبيبى جاهى
وقلبى هو قلبك "
" يا رسولنا وانت عارف

الحب هو إيه
الكلمه ع الشفافيف
نخنقها إزاي وليه "
أيوه يا طه يا بتول الحب راضى بحب قلبك من زمن
ورضيت بأن احنا (تواعم) فى الوطن
وقابلنا ألف وألف أزمه ومشكله
وغزلنا فى نص الرياح والزلزله .. قارب نجاه
أصبحت لى فى الحياه
شمعة موده وحب قايده فى ليالى الإنحدار
صبحت قصيدة حب حضره للنهار
ومدار ندور وياه .. وشاطئ للبحار
حبي قواعد ننطلق منها لحيث أرض الثبات
يا كل دنيا الذكريات
قطر الفراق عدى خلاص .. يا طه ليه نستنظره
بكره الولاد .. يا حبيبي بيننا يكبروا
ويعطروا الدنيا ولأجل الوالدين يتشطروا
" قال الجميع إن الهوى
بيننا هايفخلص من زمان
فات ألف عام واحنا سوا
أصل احنا أطول م الزمان "
أيوه صبح قلبى الجريح
فى الروضه هدمه وإسوره

أيوه يا طه صار فصيح
قاس الطريق بالمسطره
وهمست للأخ الحبيب
روحي مسامحه الدنيا بعد ما جيت لنا
نزرع زهور الحنه فوق أبوابنا .. داخل تلنا
وتقول لنا : مديت إيديه .. سلموا
واتكلموا .. كل المراره فى روحنا بالشوق اختفت
ونيران طريقنا انطفت
حتى الليالى فى حضن غالى خلاص صفت
والليل محطه وقلبي غارز ع الكراسى المتعبه
لكن هواك الصافى لى مركبه
ماشيه فى بحر بدون قرار وبدون شطوط
بتفوت فى لحظه من أعاصير الضباع
وادی الهوى ليها شراع ونسيم رقيق
راسم فنار .. ونجوم ودار فوق الطريق
ياللى انتى خلّيت الغريب يصبح صديق
" روضتك بتصحى فى
مشاعر مش عاديه
يا طه وان بعدنا
الشوق يسكن عنيه
" حبك فى القلب ساكن
مهما السنين تفوت

وبنيت كل الأماكن
للحب بيوت بيوت "
عمرى معاك يا طه ما عرفت الغضب
هم الفراق راح وانتهى .. والخوف نصب
لما هواك الصافي نادى بصوت دهب
لبيت أنا .. يا طه من قبل النداء
وغزلت لاجلك توب فدا .. دوست الظنون
الله على بلبل هوانا ع الغصون
يا اللى هواك أصبح فرس
فاير ليلا تى على جسورنا بصهلله
والقلب فارس .. نفسه يرمح بيك ياطه فى قلب الخلا
ما انت محبه وفلسفه .. قايدة دفا .. جوه الكتب
" فطنه " فى قلب النظره مليانه أدب
واما الغريب يظلم .. تكون شلال لهب
والقلب كان طاهر رقيق
آه يا نجوم مالىه الطريق بطوفان بريق
إوع تخاف يا روحى
طول ما شنوده للمختار صديق
فأنا أريد . وانت تريد .. والله يفعل ما يريد
يا حبيبى يا أعظم رسول
إنت القمر .. وانت السهر .. وانت القديم وانت الجديد
فى المفترق .. عند المساجد والكنيسة الطيبه

دخل المطر جيبي وانا باستنظرك
يا هلال أمل .. يا أعز من كل البشر
حالف في عمري ما أسيب ضلالى يأخرك
يا أحلى عيد .. يا أغلى عيد
لازم تدوم بيننا المبادئ والخطاوى والغرام
تصبح حياتنا نخل جميل
مرسوم عليه عش اليمام والإبتسام
نبعد يا طه عن سكك فيها الضياع ..
سكك الضياع دى مش تمام
إدينى يا طه الحبيب الحب ما أحلى العطا
خد منى ما أحلى العطا
فى الصيف هاكون ليك النسيم
كون لى شمس الحب فى ليل الشتا
تسلم رسالتك م الآلام ومن الخصام
يا اللى انت أكبر م الكلام
" لاجلك تركت الناس وجيت
تذكرتى كانت دعوتك
أيوه دخلت عليك لقيت
سر الحياه فى همستك "
" ولا لى حد غيرك
يسندنى ع الطريق
طيرى بيحب طيرك

يا أكبر من صديق "
" فى شارع كله بارد
ألقاك بتنادى لى
فى شارع الحب فارد
يا اللى عيونك هديه "
وانت يا طه يارسول الحب .. نسمة على الجهات الأربعة
فيها الطيور ساكنه ورافضه السرسعه
إنت كتب .. فيها الحروف خضره رقيقه مخلصه
صبح ومسا .. يا حبيبى شايف ملمحك
كاتب أنا جوه العيون باستسمحك
أصبح عشان صاحبى سند .. وابقى الهلال المنتظر
يصبح قبول .. لو قلبى حاول يعتذر
يا اللى هواك فيه الحديث
فيه البصيص .. كائن شريف جوه المكان
والليل هلال .. ع السكه ماشى فى إيده طفل بيبتسم
كعكة محبه بتنقسم .. يا طه بين كل البشر
مليون قمر .. فى وقت واحد يظهروا
يا طه حتى نجوم حياتنا بيكبروا
" يا طه بكره أحسن
والدنيا مشتتالك
عاشقين هواكى جدا
راسمين ع الكون هلالك "

" قلبى طواف فى أرضك
طالب منك تقوم
فرضى فى حزن فرضك
طافيين نار الغيوم
وادی الليالى ورا الليالى بألف حاجه بتوعدك
وبتسعدك .. فى حزن كل المسلمين جوه السفر
جبتك يا طه قبل ليل الليل ما ييجى يدوس على جناح القمر
دا الناس وعود .. والوعد عمره ما ينمى جوه الرياح
بكره هوانا يكون صباح
ما ييجى يدوس على حته م القمر
دا الناس وعود .. والوعد عمره ما ينمى جوه الرياح
بكره هوانا يكون صباح
وجزيره من ضى القمر
ما كفايه عمر طويل قدر م النار يفوت
يا طه وان شوفت الوجوه .. بصه على تدارى روحى م
الوجوه
ألقاك نجوم لو يوم أتوه
واهرب بقلبى م الندامه والغرق
أمسح لصاحبى مشيل عرق
وأهمس له مش عايزين فى لحظه نفترق
صاب الفؤاد السهم .. جالك لاجل يشرب م الضيا
صليت بقلبى الفجر .. حققنا بروحنا الأمانيه

والأمنية .. كانت فى قلبى يوم رجوعى م السفر
وصرفت كل سحابه جوه الحبيب عشائك يا قمر
وظفيت ضلام الخوف حميتك م الخطر
ولا همنى .. نار العذاب أبدا ولا
يا اللى هواك يا طه نخلة حب فى قلب الخلا
لما ضلام الكون خرج
يدهن جميع الناس دمار
حبك يا طه ما عرج
وسرج نجومه للصغار
وهمست لىك مع وقفتى فوق الجبل
إنت الأمل .. وانتى الأمانى فى الكيان
وانت الحنان مالهوش حدود
الشوك صبح
آه يا وورود يوم اللقا
حتى الخطاوى الضيقه .. وسعت وكان الكون براح
إرتحت من طعم الجراح ويا الخطر
الله على صوت المطر
لحظة لقانا بالوليف
الله على زهر الربيع اللى ابتدى
الله على ذكرى الخريف
" لما القمر يرجع لنا
تصفى قلوبنا المتعبه

إنت جبينك سوسنه
والهمسه منك مركبه "
قلبك مساكن للغريب
مُرجحه دافيه للصغار
إبنيلى يا قمرى الحبيب
فى الدار .. بحبك ألف دار "
يا طه .. واحكى قصتك
مليانه جدا بالحلال
الجنه هو بصتك
لى يا أجمل م الجمال "
وحياة عنيك المرسومين على قُلتى
أنا جيت إليك يا حبيبى روى قُلتى
وزرعت لاجلك كل حاجه منوره
الفرقه حاولت تاخذ القلب الحزين خطوه ورا
لكن إيديك الطيبه
صبحت عشاننا مركبه
وشطوط رقيقه مزهره
ويا طه يا ابو القلب طاهر والعيون
ولا جانى منك غير بساتين المنى
تيجى السنه بعد السنه وانت هنا
سكة هنا .. مليانه بورود الأمل
أرجع واقول إيه العمل فى لهفتى

جاه النبي ..

يا مركب مرسومه ع النهر الجميل .. يا ريت تبوسى دفتى

" أفتح شباك مدينتك .. وانادى ع اللى غاب

لما وصلت سفينتك .. للمينا بان سحاب "

" ملهوف بالروح تملئ .. قلبى مشتاق يوماتى

لو غيبت يوم أخلئ .. قلبى يصبح ناياتى "

وتضمننا السفينه .. الله على أحلى موجه

محتاجه روحى حاجه .. موجوده فيك و بس

محتاج طريقى شمس .. تدفى روحى لحظه

أحظى بالحب أحظى

وارجع يا طه دايب

أرجع لو كنت غايب .. لأحلى ذكرياتى

أغلى أغلى الحبايب

صافى والقلب دافى .. دافق ع الباب بفرحه

أصحى .. صورتك قصاى

بتنادى على آجى .. وفضل فاكر ميعادى

يا قلبى يا حياتى .. يا روحى يا طريقى

قمرك صبح صديقى .. ينادينى لو أفارق

أو اتوه بين المفارق .. يطفى بالشوق حريقى

وأقول يا طه بشوق رهيب

يا مركب الحب الشريف .. إرسى بقى

إحمينا من زمن الشقا

بيكى ابتدئ العصفور يدور

جوه سواقى الزقزقه
وارجع واقول يا طه بالصوت الى جمع شملنا
إمتى الشמוש الطاهره فى الليل الطويل
تفرح بأحلام الغرام والشقشقه
إمتى بقى تبقى الحياه متزوقه
ومروقه كل الليالى بالحلال
القلب مال زى الشراع
أرجوك يا طه بلاش وداع
يبعد بروحنا م البحور المغرقه
وانتى يا طه يا ملاك
مرسومه فى الشباك .. تنادى أقول نعم
الصمت يتحول نغم
ومفيش ندم أبدا دخلنا يا قمر
دايما معاك يا طه يحلو السهر
والمنجه لما تطيب على فروع الشجر
نهديها للأطفال وروح كل اليتامى والغريب
يلمس جراح النفس من عندك طبيب
الجو يهدى .. يروق ونتنفس نسيم
والجرح فى وجودك يطيب
وأقول هل الحب ليك
يا حبيبى خلى حبك .. جوه الكيان أمانه
مهما الطريق حاربنا .. مهما القلق سقانا

كل النيران ندوسها .. ونفارق كل ناسها
طول ما الإخلاص معانا
وادی القمر بیسأل .. عن حالی یا نور عنیه
(خبر) هایبجی یسعد .. ویطمّنک علیّ
خلیک معایا دایما .. نلقى الأيام وفيه
وفی .. ألقى مبدأ ... وطلعتك بهیه
خدام الصحبه سیدهم .. أخدم فی الناس ؟ .. عنیه
آه یا علامه واضحه .. آه یا حروف نديّه
" لو تاخذ من تلالی
هازید بالأخذ جدا
یا طه ما زال قبالی
أجراس وديوك بتدن "
" آیوه خیراً هانعمل
خیراً یا طه نلقى
لو یوم فی النهر نهمل
هانلقى المیه حادقه "
" باحبك آه باحبك
ما اقدرش استغنی عنك
لو حتی قلبی جنبك
أقرب برضه منك "
" أنا وانت قولنا القول هنا
وأعدنا نفس القول هناك

الحب دا مش محزنه
دا " ملاكه .. عايشه مع ملاك "
" قصر ك دخلته .. ضمنى
وهمسلى إوعى م الخلاف
غيرك ما حد يهمنى
يا اللى انتى نخلى ع الضفاف "
جواك حنين .. جوايا شوق مالهوش مدى
أنده .. تردى على النداء
وأعيد ندايا .. بلال يكون للصوت صدى
ما احنا قلوبنا فى الهوى سربين يمام
ونفوسنا مش متردده
هات للورود زخات الندى
وأفوت هنا .. أوصل جزيره حنيه
ما اشبعش من نورك وحسنك يا أنا
أجى إليك وأنام على شط الحنان ..
تصبح عيونى شمعدان طول الزمان
ورموشى تصبح سوسنه
" يا طه خلى بالك
من قسوة الظروف
أنا حالى هو حالك
يا ساحره فى القلوب "
والله هوانا غالى

إخلاصك وابتسامتك
فوق نخلة الليالى
سامع تسبيح يمامتك "
ولا عندى غير عيونك .. يا طه فى الغروب
لكن ساعة الشروق .. أطلع معاها فوق
وادوب أدوب أدوب
واحكيك يا حبيبى .. عن قلبى وعن شعورى
أرسم إسمك بفرحه .. فوق روحى .. فوق سطورى
وان زادت ريح علينا
بالليل أقيد فنارى
واشوفك فى الليالى .. يا طه نجم أخضر
أتبعتر تيجى لى .. أتصالح ع السنين
أقدر بالنور معاك .. أطفى صوت الإنين
وأحبك تانى أكثر
أقدر أكتب قصايد .. يا سكة الفوايد
يا اللى روضتك ليلاتى .. تطرح للدنيا عنبر
" يا شمس بيننا أقعدى
إنتى الكبيره فى الجموع
لميشيل وأحمد إسعدى
يبقوا رغيغ لو يوم نجوع "
" آه يا كواحل بالرموش
وبحور ملانه بالحلال

لو شفت غدر من الوحوش
هاصبح محبه وابتهاال "
فيك المزاهر كل يوم بتزيد زهور
لا كبرياء جواك .. ومش موجود غرور
ولا حاجه غير الحب غير نور الجلال
يا ورده فوق كل الجبال متربعه
يا شمس باينه م الجهات الأربعة .. جاييه دفا
يا اللي انت كونت يا طه أول درس فى دروس الوفا
وعشان كده .. عمرى ما اخاف من أى شئ
دا لأنك انت النخله حارسه فى الطريق
والبلبل الشادى على كل الشجر
عاشق فى ضيك يا قمر .. لو فيه ليالى مزعجه
باهدى إليك العمر كله بنفسجه
" باهواك يا طه واحه
مزروعه بنور هواك
يا أكبر م المساحه
نفسى أفضل معاك "
" إخلاصك لينا نادر
قلبك دايم رقيق
موج المحبه هادر
يا طه ع الطريق "
وانا مهما أقول وأعيد .. ومهما يضمنى جبل الصفا

م المستحيل .. ألقى فى قلب الناس دفا
يا هلال مضى .. فوق الطريق شجرة وفا
واللى اختفى .. هو العتاب
وأدق فوق الباب .. تقوم لاجل الحبيب
يا أغلى حاجه يا طه يا أظهر طبيب
تصفى ويصفى الجو وتزول الغيوم
واكتب قصيده كل يوم
أوصف فى روضتك للملأ
وأفضل معاك يا طه حتى ان عمرى راح
الله على الأرض البراح .. ساعة لقاءك ويا الجميع
الله على نسمة هواك السندسى
يا خطوه طاهره .. للحبيب .. أرجوكى لازم تحرسى
" أحلم معاك ببحور هوى
وأبدأ بحبى طريق طويل
طول ما احنا ع السكه سوا
الشمس هاتكون الدليل "
" إنت الكرم يا ابو الحبوب
مليانه من أجل الصغار
شمسك ما زالت فى الدروب
لونك ما زال هو الخضار
واحلم بصورتك تبقى باينه فى السفر
وتكون قمر .. جوه اليالى لو تضيق

تطفئ من القلب الى حبك كل ضيق
وتجيب طريق .. لو يوم نتوه
يا نسمة جوه القلب لو ضاقت جميع الأورده
يا بسمة طاهره فى الوجوه
باحلم يكون الحب مركب رحلتى
جففتلى منديك عرق فوق جبهتى
وان لحظه بانث دمعتى .. بتكون زهور السمله
ما أصعب الأيام بدونك يا نجوم
يا الى انتى أصل الحب .. وشطوط الغرام
بحبك حب صادق
دافى مليون معانى
قلبك مليون مبادئ
لو اغيب يجينى تانى "
" يا حبيبى خدنى نجمه
تحضن ضلام طريقك
تصبح فى الزحمه نسمة
إن خان الناس صديقك "
أصبح سفينه خضره .. تلمس فى موج محيطك
أو ابتسامه طاهره .. تظهر فى أهل بيتك
وان طال مشوارى خلى
قلبك مشتاق تملئ
وحاول تيجى لى

عنيه مشتاقالك لك
والليل طويل على
حبيتك وانت بيتك
بيساعنى لو أعود
الباب مليان بزينه والسطح فيه ورود
باقيه بيننا العهود متصانه للنهايه
يا حكايه خالده جدا .. معروفه م البدايه
الحب بيبقى آيه .. لو يخلص الوليف
تبقى الشمس الحبيبه
ورده وجسور ماوردى
يبقى القمر رغيغ
" وان فيه حضام نهرب بقى
من ناس ما زالوا غدارين
نهجر دروبنا الضيقه
نعطى أمان للمكبوتين "
" لينا الطريق يا ابو الكلام
ناطق بأمر الله .. جديد
أسلوب رقيق بان فى الزحام
خلى ضلام الليل يقيد "
يا طه والليل الطويل يصبح حرير
عشان ما بيننا طريق شريف بيضمنا
واما بيصرخ همنا .. بنداوى روحنا بالضمير

بيننا النهار .. بيننا المبادئ والقيم
من قبل ما انده ع الجرس بيقول نعم
وانت يا أحمد يارسول
سر الحياه .. نظرة عنيكى فى ليل طويل مالهاش حدود
تبقى العهود يا حبيبى شرع الله حمايه لقلبنا
نزل القمر يسكن بنوره جنب جامع أو كنيسه فى البلد
رحبنا بيه
ودخلنا جوه عنيه .. لقينا نفسنا
طلعت فى لحظه شمسنا
ودفيننا جدا م الشعاع
كان الدراع جوه الدراع .. شطين حنين
الضل جنب الشمس كان راسم عشاننا دبلتين
أوقات يدوب قلب هناك
وساعات تدوب روحى هنا
كررت فعلا يا ملاك
فى كلامى كلمة سوسنه
واسهر أغنى لبدرك المليون صدف
عمر اللقا .. ما كان يا طه بالصُدف
ما انت الحقيقه الواضحه فى كل الحياه
ولا لنا غيرك فى الدروب الضيقه
آجى لروضتك والعيون متشوقه
يقابلنى نورك فى الطريق شلال بريق

والنظره تحمى القلب من جبل الشقا
والبدر جوه سحابه ليّنا يبتسم
والفرحه بيننا تنقسم .. قسمة حلال
مين اللى قال إن الأمل صعب المنال
" لو فيه مديح .. أيوه احترس
يا قلبى من كل المديح
خليك جريّ فوق الفرس
حتى ولو صاحبك جريح
" يا شمسى موعوده بكى
مليان حنين زى الطوفان
فى البعد يا طه بكى
وفضل يدق على الببيان
والكبرياء لها ألف لون
وانت يا طه الحب يا سيد العباد المغرمين
بتكون لحظه ضاع .. تبقى فناره منوره
وانا قلبى مخلص عمره يوم ما خان هواه
واقف ينادى عليك م الشباك ترد على نداه
" وانتى هدف محدد.. شرفنى موقفك
يا حنان للروح " مؤبد "أنا حبى مشرفك "
بالحب م البدايه
الله على الحكايه .. لما ابتديتها بى
مرسومه فى نور عنيّه .. فى كل حاجه فىّ

واللى بيسحرنى دايمآ .. النظرة المستحيه
شديت رحالى لما .. ناديت علىّ .. جيت
فى بيتك لى بيت .. من زهر الدنيا كله ..
جايب لكل تاج
راسم بالروح فى نهرك .. أمواج بتحب عومى
واقوم من نومى شايفك
طيفك بيزيل همومى .. وأوصل للحقيقه
أرجوك بلاش يا طه .. تغيب ولو دقيقه
مهما الإرهاب يصيبنا
عمره ما يهز بابنا .. يا ابو الروح الرقيقه
فى كتابنا أغلى سوره
فى قلوبنا ضوء مناره .. يا أكبر م الحقيقه

